

光緒江西通志

江西通志卷一百三十

宦績錄八

吉安府

漢 吳玠

劉陵爲安成長先是境內多虎民患之多徙他邵陵至
修政月餘虎皆出境流民復還

明一統志

孫輔字國儀富春人獻帝建安中以揚武校尉佐孫策
平三郡身先士卒有功策表輔爲廬陵太守撫定屬城
分置長吏後遷平南將軍

三國志吳宗室傳

吳碭爲安成長孫權使呂岱取長沙碭據縣以拒權遣
魯肅攻圍碭突出曰受天子命爲長知有漢不知有吳
也

明一統志

呂岱字定公廣陵海陵人事吳主權拜昭信中郎將建

安二十年督孫茂等十將從取長沙三郡又安成攸永
新茶陵四縣吏入陰山城合眾拒岱攻圍卽降三郡克
定遷廬陵太守嘉禾四年廬陵賊李桓路合會稽東冶
賊隨春南海賊羅厲等一時並起權復召岱督劉纂唐
資等分部討擊平之春卽時首降桓厲等皆見斬獲傳
首詣郡權下詔褒美厯官大司馬年九十六卒

據三國吳志補

晉

郭察武昌人永嘉中爲安成太守時益梁流寇破零桂
諸郡進逼安成察力戰死之

嘉靖林志謹案郭察舊志列袁州府今改入吉安

以安成卽今安福也

虞潭字思奧會稽餘姚人清貞有檢操陳敏反潭討敏
弟讚於江州廣州刺史王矩上潭領廬陵太守撫綏荒

餘咸得其所又與諸軍共平陳恢仍轉南康太守進爵
東鄉侯尋被元帝檄使討江州刺史華軼會軼已平而
湘川賊杜弼猶盛江州刺史衛展上潭并領安成太守
以禦之後官侍中右光祿大夫開府儀同三司晉書謝志原案前志載孟嘉辟廬陵從事還都庾亮引問風俗得失對曰還傳常問吏亮舉塵尾掩口而笑謂弟翼曰孟嘉故是盛德人此在晉時風流相賞實不可以勝名宦也故去之

王鎮之字伯重瑯邪臨沂人補安成太守桓元將苻宏
寇亂郡境鎮之拒戰彌年子弟五人竝臨陣見殺母憂
去職在官清潔妻子無以自給乃棄家致喪還上虞舊
基畢謹案舊基疑當作舊業爲子標之求安復令隨子之官入宋

後官宣訓衛尉領本州大中正

據宋書良吏傳補

宋

沈邵字道輝吳興武康人太祖以舊恩深加寵待廬陵王紹爲江州以邵爲南中郎府錄事參軍行府州事未行代申謨爲大將軍中兵加甯朔將軍彭城王義康被廢邵復改廬陵王紹南中郎參軍將軍如故義康徙安成邵以本號爲安成相在郡以寬和恩信爲南土所懷郡民王孚有學業志行見稱州里邵莅任未幾而孚卒邵贈以孝廉慰卹孤老勸課農桑前後累蒙賞賜元嘉二十六年卒官據宋書自序補謹案舊志有劉湛傳其官爲廬陵王義真長史非守相令長職治民者可比列之方志亢矣今去之周朗傳仍依謝志不載

梁

傅昭字茂遠靈州人由左民尚書出爲信武將軍安成

內史安成自宋來兵亂相接郡多鬼怪及昭爲郡郡人
夜夢見兵馬鎧甲甚盛又聞有人云當避善人軍眾相
與騰虛而逝自後郡舍遂安咸謂昭正直所致郡溪無
魚或有暑月薦昭魚者昭不納魚餒於門側

梁書

謹案舊志列江革傳革官尋陽太守而傳祇言爲廬陵
王長史事不及尋陽當入職官表不當立傳今刪

陳

陸子隆字興世吳郡吳人少慷慨有志功名天嘉二年
除明威將軍廬陵太守時周迪據臨川反東昌縣人修
行師應之率兵以攻子隆其鋒甚盛子隆設伏於外仍
閉門偃甲示之以弱及行師至腹背擊之行師大敗因
乞降子隆許之送於京師四年周迪引陳寶應復出臨
川子隆隨都督章昭達討迪迪退走及晉安平子隆功

最遷假節都督武州諸軍事

據陳書本傳補

劉竺字世伯彭城人爲廬陵太守沈幾博照利興害除公家無負租私室多餘粟出郊有白鹿隨馭之祥民懷

其惠立祠神岡山

豫章書

唐 南唐 增

張僂元和閒爲廬陵縣令廉惠通敏能彈擊豪暴撫恤細民嘗捐俸拚骸招復流離民有兄弟相訐者僂解諭令其式好如初政和歲穰皇甫湜稱其恂恂奉上照照字民蓋能副其實焉

廬陵縣志

賀憑會稽人集賢學士知章之後會昌四年以著作郎任永新令有惠政秩滿當去邑民遮道留之因家其邑

永新
縣志

田陽字昭和大中間任吉州刺史勤於撫恤物康民和

卒官日與子訣曰吾死不忘護吉州之民子感其言因

家吉之城北立祠祀焉至今稱田相公廟

嘉靖
林志

蕭芮長安人乾甯進士任吉州牧仁以養民禮以待士

政平訟理恆結庵金鳳山岡講老子書自號蕭道人既

解任州人卽庵立祠祀之水旱疾疫必禱於其下

嘉靖
林志

王崇文字光福合肥人吳功臣縉之子也重厚儒雅博

綜經史以門第壻於義祖出爲歙吉二州刺史廬陵民

尚氣喜訟以先止爲怯號難治崇文一以法治之不少

貸訟爲衰息遷百勝軍節度使

據十國春秋補謝志
誤列宋代今改正

李元清濠州人趨捷善走能及奔馬後主嗣位以吉州

永新與湖南聯境因命元清爲永新制置使每數月一

託疾不坐衙微服入湖南境人無知者敵人動息元清常豫知之治境累年邊障安晏先是夏賦準貢見緡民以變直折閱爲苦元清奏請納帛一匹折錢一貫爲定制又常隨宜科率民甚便之歲總諸科物十餘萬數轉運入金陵國用賴以少濟

十國春秋

陳省躬知永新縣性明斷部民有交訟者曲直立分時郴衡盜入境戍兵多爲所殺省躬給府緡市棺瘞之郡讓其專省躬判郡符云開官庫使官緡市棺木葬官軍吾烏知夫過之叢也

嘉靖林志 謹案省躬與徐鉉同時見清異錄

龐敏建隆二年爲泰和令徐鉉撰白鶴觀碑稱其明察足以不欺貞固足以幹事

泰和縣志

董衡酸棗人乾德間宰永新以廉平著聲善類多所汲

引去官日百姓遮道留之

嘉靖林志 謹案龐敏革職
舊志俱列宋代然建隆乾德

開南唐尙存
故改隸於此

宋

梁鼎字凝立益州華陽人太平興國八年進士甲科端
拱中知吉州民有蕭甲者豪猾爲民患鼎暴其匈狀杖
脊黥面徙遠郡太宗尤賞其強幹代還賜緋魚犀帶記
其名於御屏

宋史

戚綸字仲言應天楚邱人太平興國八年進士知泰和
縣民險悍多搆訟爲諭民詩五十篇因時俗耳目之事
以申規誨老幼多傳誦之每歲時必與獄囚約遣歸祀
其先皆如期而還遷光祿丞

宋史

馬應昌至道閒以右司諫來守廬陵鞠貪胥絕欺弊公

私舊通官縉表奏折入吏民賴焉

嘉靖林志

呂士元字佐堯江甯人咸平時爲泰和令民喜鬪訟每因事中吏以法多不免士元日與長吏爭曲直辨情僞猾吏伺之迄無所得祿入悉賜其族人子溱隨宦讀書後竟登上第

安志

張岐建陽人明道間知永新縣治獄明允吏不敢欺民有積逋岐恆代輸之

永新縣志

元絳字厚之杭州錢塘人舉進士登第知永新縣豪子龍聿誘少年周整飲博以技勝之計其貲折取上腴田立券久而整母知之訟於縣縣索券爲證則母手印存弗受又訟於州皆不得直絳至母又來訴絳視券呼謂聿曰券年月居印上是必得周母他贖尾印而撰僞券

續之耳聿駭謝卽日歸整田

宋史

何嗣昌字紹宗蘇州人進士明道二年以詩丞出爲龍

泉令縣治爲舊場地形勢汙下城隘甚嗣昌改築之又

創浮橋以通南北復和蜀鄉梅陂三百餘頃民至今資

其利焉

嘉靖林志
吉安府志

王陶韶州曲江人唐宰相珪之後初珪子敬直尚南平

公主坐事貶嶺南子孫留者寓曲江父式由進士知永

新遷梅州陶博學有俊才登天聖五年進士慶厯元年

知泰和縣銳志興革不爲毀譽所搖亦不局於簿領縣

署領圯陶費錢百萬修之自爲記

豫章書
林志載王陶字樂道

太原人考宋史王陶傳京兆萬年人不云太原且無知
泰和事比讀王陶修縣署碑云子去秋被命私自便老
親居曲江迎板輿度嶠北沿流疾下累日可至疑陶當
是粵人及攷粵大記曲江王陶厯官京東提刑度支郎

所至著績而宋史萬年王陶則爲御史中丞
陶秩不符則知泰和之王陶爲曲江人無疑

林積字公濟福建尤溪人慶厯進士由循州判改令安
福建學聚徒躬爲訓課時有張嗣宗者假妖術惑世積
收繫以聞妖遂息嘉祐元年秋旱率吏民禱於石屋雨
立至官終河南轉運使後積令安福有元豐初李康成
亦以修學舍集諸生講業聞

安福縣志

陸若濟字邦美金谿人進士皇祐閒爲龍泉令清介絕
俗秩滿其妻誡之曰君不取一錢路人皆談清德今解
官豈亦載一清舟歸邪若濟曰是非汝所知也人高其

操

嘉靖林志
吉安府志

周郊錢塘人嘉祐六年擢第爲吉水令訟至卽追攝判
斷訟者朝裹糧暮飯於家庭無留獄

嘉靖
林志

段縫至和閒爲永豐令時初析恩江鎮爲縣未有廳舍

縫辟土立廨規制大定有建縣治記

永豐縣志

藍丞熙甯閒爲吉州守朝廷方議行新法丞不欲病民

遂以年老乞致仕

嘉靖林志

盛陶字仲叔鄭州人熙甯中宰泰和臨事剛毅不撓宵

人患之中以蜚語邑子爲力白得解未幾擢御史

嘉靖林志

許浹熙甯閒知萬安縣時縣治新造浹能禁遏奸欺釐

革諸弊郭師元撫其實賦許公十政詩刻石以紀

明一統志

吉安府志

陳汝器字適用元豐初知廬陵縣資性剛方剖斷無滯

任法不避權貴牧民務去非類簿籍細密如學子所鈔

書黃庭堅謂以廬陵之難而稱治其賢可知也

嘉靖林志

吳革元豐閒知吉州先是郡增鹽課二百萬民已不支
前知府魏綸復增諸縣課九十五萬民益困革至悉罷
除之元祐初御史按察官吏以革爲江西第一

明一統志

梅璠崇甯閒爲吉水令以清強自勵提舉齊之禮行縣
璠不郊迎之禮以爲簡己入覽文書詢所職之事將督
責之璠倉卒應答無毫髮謬之禮轉歎賞而薦之朝且
頒其事於屬縣

嘉靖林志
吉安府志

趙迪之字子開一字順甫政和進士建炎二年知龍泉
縣時金兵歲犯江浙郴虔南康盜起如蜩迪之豫築廢
壘爲寨鳩衆入保召募材武之士東以保伍法爲捍禦
計及虔寇奄至相望一水閒竟不敢犯

吉安府志
謹案謝志誤作政

和閒知龍泉
今改從府志

趙訓之字誨道秦悼王五世孫政和進士建炎三年知
永豐縣孟太后避地虔州護衛統制杜彥等叛將犯永
豐訓之與尉陳自仁簡兵爲二一取閒道繞賊後一據
地利匿其精兵以誘賊賊至伏發殲其眾會賊別校繼
至官軍未成列訓之率數十輩拒戰與自仁俱遇害事
聞贈訓之朝散郎直祕閣諡忠果自仁贈通直郎官其

一子邑人爲立祠

宋史忠義
趙士隆傳

李唐傑建炎閒知萬安縣時金兵歲犯江浙羣盜蜂起
唐傑倡義募勇士積糧糗設土軍維舟截江巡行而捍
禦之戒令嚴肅賊不敢偪

嘉靖林志
謹案李唐傑舊
志誤脫李字據吉安府志訂

正

蕭雅字汝正曲江人建炎初爲吉水令政尚寬慈盜張

仲添嘯聚劫掠阻水南渡未及濟雅單騎往諭之爲盜所執詢知雅名不忍害雅曉以禍福盜竟解去時歲饑道殣相望雅貸錢給粟行拵骼埋斃之政去官日民越境送者千餘人

嘉靖林志吉安府志

呂源紹興閒知吉州增壘浚濠嚴城設守吉之城池於是乎始備

舊志

李璆字西美汴人登政和進士第紹興閒知吉州江西兵素剽悍璆始視事有相挺爲亂者亟捕首謀誅之撫循其餘大布恩信境內遂安

宋史

鄭作肅紹興閒知吉州催科以正不阿時宰以病民秩滿還朝坐事下獄會秦檜死得免

舊志

葉仁紹興閒知吉州疾吏員冗濫乃按格律裁定其額

且刻石以告後人莫有敢易之者

舊志

韓邦光歙州人紹興閒爲安福令軫民疾苦興利剔弊

王庭珪旣太守王洋皆稱其廉

安志

陳則字準夫紹興閒爲泰和令奉身廉潔嚴而不苛時

朝廷置免行錢郡賦之縣諸縣俯首聽命則獨廷爭之

故邑占數獨輕公暇課隸役種桑麻公圃中有勸民五

事一盜賊二侈靡三詭戶飛產四不畊不蠶五善惡之

報

泰和縣志

張象先浚儀人紹興閒知永新縣奏行經界法終始不

懈如一日永新賦有定制象先之力也

嘉興志

趙錫衡州人紹興二十一年爲吉水令簡易慈祥民稱

爲趙佛子贛州亂卒揚言入廬陵民大譁將先避之錫

晏然攜酒山亭與客歡飲民心遂安會統帥征兵將過境縣當治嚴吏請貸諸富者錫不許比統帥至卽其帳中指畫方略帥喜移兵去曰無更擾汝民也錫母死郡守及縣人遺之金不受歸道茶陵猝遇寇有識錫者驚曰此趙佛子也還所掠送之出境

吉安府志

王正開封人紹興二十三年爲吉水令儉約自持公牒盈几一閱卽得其情有餉黃柑者止受一顆人服其廉

介

舊志吉安府志

王師道字居中兗州人紹興中爲吉州栗傳砦巡檢與盜戰於吳村每射輒斃賊有伏於民居者挺身力戰遂死立廟其地

據宋史忠義傳及一統志補

趙善待字時舉濮安懿王五世孫也登隆興元年進士

通判吉州攝郡政時方和糴吉當十萬石吏白本錢未
降而省符屢趣均之諸縣善待曰今八縣之民輸米郡
倉斛計四十八萬凡水腳等費皆變米得錢市商牟利
由是傷農其可重擾乎若使以米代錢公私俱便民果
樂從比新守至糴已足以課最除知岳州陞辭日論江
西旱傷秋苗減放矣督隨苗錢如故無所從出必斂於
民禁之便孝宗曰卿言是也無母安得了乎累官浙東
安撫司參議

據袁燮
集補

周嗣武字功父浦城人乾道初令永新時邑豪姓與蠹
吏比縣令每爲所挾持嗣武發吏惡盡法治之豪姓懾
服歲饑羣盜嘯聚謀劫亟白郡請兵爲備下令富民出

粟平糶以濟民案堵盜亦徙去

據吉安
府志補

蒲堯仁字彥性福唐人乾道六年知泰和縣廉白端謹自奉尤薄嘗曰吾不欲以口腹累人間輟俸餘散之貧民不爲儲積計縣廨火縣人環視歎曰得無爲吾大夫憂乎出力新之不費縣官一錢在任三年未嘗以色假人亦不以言拒人民有訟反復曉以禮義不得已乃加責人皆樂其寬去之日爭齎錢帛送之堯仁一無所受

豫章書

徐若訥字不愚婺州人紹興進士令吉水民有訟其兄析產不均者兄力辨其妄若訥舉弟所得者與兄互易之兄弟皆俛首悅服

嘉靖林志

王輝青州人靖康初以義兵立奇功官至栗傳砦巡檢使寓吉州清熙二年茶陵寇犯永新州守以輝驍勇檄

禦之士卒不繼爲寇所得寇欲輝降輝憤罵不屈死事

聞贈忠州刺史

據宋史忠義傳吉安府志補

陳臧孫字元甫天台人淳熙閒爲吉水令時吏收民租多訛法臧孫經度逾年悉釐諸弊五鄉感之乃爭先輸

賦

吉安府志

朱晞顏字子淵徽州休甯人隆興二年進士淳熙十三年知吉州事吉俗號珥筆訟牒紛委晞顏處以簡靜裁以果達桀黠退屏獄犴衰息值歲中歉夙宵講究先事備豫明賞格以勸分示刑禁以戢盜前後三上奏得米數萬石振給單弱鞬柅姦蠹人受實惠豪右無遏糴細民無流移明年歲稔晞顏又痛裁冗費輯材鳩工增修城郭改築學舍民不知役士論尤歸之官至守工部侍

郎知臨安府

據新安文獻志補

趙希言字若訥宗室子淳熙十四年登第調衢州司戶

改吉州司理屬邑有誣人以殺人罪者吏治之急因誣

服希言鞠得實檄縣他捕乃得真盜

據吉安府志補

胡長卿紹熙間守吉州先是太守江少虞建試院於州

西北時與試者纔三千人乾道淳熙以後益至萬餘舍

宇苦不足長卿至與教授晁百談度西北廢趾廣之形

勝倍於昔仕進日盛其爲士者德之

嘉靖林志

趙善謬慶元閒知吉州事嘗於具慶坊置慈幼院以恤

孤弱繼命貢士王子俊等分撰屬邑諸志附周必大郡

志之後由是吉之文獻彬彬足徵矣

嘉靖林志

陳緯台州人由太常丞出知吉州有惠政尤好獎擢人

才文天祥嘗與之書有蒙福十萬家薦人二千石之語

後遷福建司倉

豫章書吉安府志

卓洵字士直長樂人慶元閒知泰和縣事留心水利

置沿溪六閘灌田萬畝民至今食其澤

泰和縣志

趙必贊徽州休甯人宗室子端平二年進士除餘干丞

兼憲幕遷吉水令邑近蠻獠民頑悍難治令多不終其

任必贊清明剛毅不畏強禦得士民心滿五載授福建

轉運司主管機宜文字除通判建甯府卒

據新安文獻志補

倪普金華人知吉州爲政以風化爲先嘗曰國之存亡

民之生死寄於士大夫人品之高下世道由以重輕也

州學舊有顏魯公祠普增祀姜公輔余靖易名三賢祠

人以爲知治體

嘉靖林志萬安令會江西

謝志原案嘉熙閒黃炳爲洞丁反炳集兵守禦夜

五鼓忽報冠至炳遣迎敵單曰楊腹奈何炳曰第速行飯隨至矣乃率吏攜竹籬木桶治市門呼曰知縣買飯時晨炊方熟厚酬其直負之以行於是兵皆飽食一鼓破賊以功擢臨川守炳宦績已最撫州補錄其破賊事此於

謹案舊志有王崇文龐敏董衢李寬葛源郭奉世李彌遜等七傳彌遜宋史本傳不詳吉州政績舊志增入多悲政三字因以充數寬奉世已見列傳今茲從刪崇文敏衢改列南唐源移併南昌府

元

張楫以忠翊校尉知吉水縣事邑初歸附眾心猶洶洶

楫能鎮壓軍馬捕除盜賊民恃以安

嘉靖林志

岳天禎大名寇氏人襲父存職積功授昭勇大將軍福

州路總管秩滿改吉州平永新賊後遷贛州

元史岳存傳

張懋字子美涿州范陽人至元十六年授懷遠大將軍

吉州路總管惡衣糲食率之以儉慎刑平政處之以公

新府治設義倉雖能吏不過也部使者劉宣遭之凡所懲治朝至夕報豪強竦然郡萬戶蘇良恃勢爲暴爲之翼者有十虎之目民甚苦之乃上其實於憲府盡誅十虎者奪良虎符而黜之民大悅羣盜有率眾將白晝劫城者懋聞之率從騎擣其穴縛其酋長以歸民之流亡與遠郡之來歸者數千家相率爲生祠以祀之十七年二月卒贈龍興路總管追封清河郡侯諡宣敏

元史

張翥濟甯人至元二十七年爲吉州路總管時龍泉大

笄山寇起翥收捕之民賴以安升廣東廉訪使

吉安府志

范文中字煥章慶元定海人任廬陵主簿廬陵俗譁健素號難治民蕭甲與子殺人以誣怨家劉乙文中閱實遂寘甲於法而籍其家豪右舊服擢知沙縣年七十投

牒歸據浙江通志補

吳繹字思可信都人泰定間自杭州移守吉州政有三善外敏而內寬一也讀書知治體二也好謀而善斷三也豫章書

達爾瑪實哩原作達理馬識禮字正道高昌人至正九年監泰

和州事廉明剛毅民望而畏之時寇氛四起達爾瑪實哩親率士卒巡城及江至中夜乃返復籌鐙讀易不寐以故賊陷吉州泰和獨賴以安堵逾年卒官州人繪像

以祀吉安府志

王諫汴梁人至正十年為永豐令先是縣有役名祇候者四五百人吏名帖寫者一二百人刑獄科差悉出其手恆假事以害民甚苦之諫至盡革其弊卒於官百

姓立祠學宮祀之

據吉安府志補

寶通

原作寶童

字惟善蒙古人至正十一年爲廬陵縣達嚕

噶齊

原作達魯花赤

盜陷郡城寶通集義士力戰殺賊甚衆廬

陵復安至今人慕其德

豫章書吉安府志

梁克中至正十一年爲吉安路總管四境盜起克中屯

兵郡東大洲上修濠樹柵治營壘益募丁壯置舟師節

制屬縣義兵爲戰守備民賴以安

明一統志

蕭同善至正間知萬安縣事彭時中寇縣境同善與縣

尉荆世傑集義士守禦閱歲甲午時中復攻城同善督

衆力戰城陷死之

嘉靖林志

馬致遠字合穆其先自西域徙京師以廕補官授廬陵

井岡巡檢至正十二年江西盜賊蜂起致遠集鄉民與

賊鏖戰斬捕甚多以功辟安福判官授廬陵監縣擢烏東萬戶府事十三年九月賊自永新踰嶺掠玉山將近安塘致遠率眾追擊破走之十五年破袁州賊於安福十六年復破賊黨於永豐之羅興塘擒賊帥周昇焚其巢良民陷賊者皆來歸致遠隨宜撫慰之民感其德生祀之於安塘

據吉安府志補

何綽爾齊

原作何綽爾赤

郊縣人至正十三年任泰和州達魯

噶齊時西鄙民不靖官兵欲夷及無辜何綽爾齊白都

統曰城內外皆良民其不順者西鄙也官兵乃西去一

邑得免民廟祀之

嘉靖林志

謹案舊志作至元間監泰和州誤據吉安府志改正

明

劉齊者以江西行省參政守吉安陳友諒兵至守將李

明道開門納之殺參政曾萬中陳海執齊及知府宋叔華脅之降皆不屈並送友諒所友諒方攻洪都殺之城

下

據明史忠義
花雲傳補

顧文昱字光遠嘉定人

嘉興府志
作顧光遠

高帝下江南文昱時

爲京口掾首納款遂從帝入金陵授江西行省理問擢知龍陽州改知泰和前州吳去疾以民好訟告文昱乃自爲長榜誨諭民爭來觀觀已去不訟者十二訟者俾居譙門上三日思然後投牒思不三日去不訟者過半乃擇循謹吏一人置簿受詞真負冤者輒爲疏理非冤願自止者聽不問未兩月民不復訟境有虎爲檄告神虎一夕去州大治丁祖母憂赴闕陞辭留翰林院同編大明律仕至廣東行省郎中去疾安慶人亦有惠政州

人語良牧必以二人爲首云

一統志豫章書

潘樞字景岳鄱陽人洪武初

吉安府志作吳元年

爲安福州判官

兵下安福樞言於主將得所掠男女千人分置空舍餽

以糜粥俱遣還家

豫章書謹案謝志作潘景岳據吉安府志訂補

田盛字秀實明初任永新知州廉介有智略時兵燹後

民多逃徙盛至多方拊循歸者咸獲案堵修學校置禮

器文教聿興治乃大著

安志

俞茂吳元年爲永新千戶翦除寇盜四境以甯與知州

田盛重立學宮振興文教治軍嚴肅卒有侵凌百姓者

立置於法縣人爲之歌曰田文俞武皆我父母

據吉安府志補

高德賢字起巖河南汝甯人明初知龍泉縣事兵後阻

飢募富民出粟設東西二坊以振全活數千人新官廨

修學舍增廣生徒身訓督之士林尤慕重云

嘉靖
林志

劉昭先字宗啟洪武初舉人爲御史三年以嘉議大夫知泰和縣事政尙清簡未嘗疾言遽色而事至能立應新城隍祠及山川風雲雷雨社稷諸壇又修稅課局惠民藥局嘗聘邑人楊自立等爲學弟子師多所成就去之日民庶攀送者千人歷官禮部尚書

吉安府志

莫己知鳳陽人洪武初知吉安府事時天下甫定郡縣規制率苟簡未備己知加意振刷興仆立踣煥然改觀持己廉待人惠民甚安之

安志

夏杌滁州人明初爲吉安守禦千戶務存休息旣平諸

寇盜又修城濬池及諸陂梁古蹟興復甚多

安福縣志

馮勝字仲文淮西人洪武初知萬安縣事剛明果斷時

龍泉盜彭舉之黨聚險方命勝率軍捕治之招諭殘民

開墾田野建學造士凡祀神壇壝以次一新

嘉靖林志

謝子木浙江温州人洪武四年知龍泉縣事虔寇屢犯境子木奏發兵勦之民始安乃均賦役勤稼穡政成縣

以大裕

嘉靖林志吉安府志

烏斯道字繼善浙江慈谿人洪武九年知永新縣事廉靜有守民不忍欺工文章兼精書法邑人多從受經至

今訓而懷之

明史文苑趙璜傳豫章書誤作鄆縣人今據明史改正

於仲完

原作於仲竟誤據浙江通志改浙江黃巖人洪武間知永新縣

事南鄉龍氏因寇爲亂掠殺其鄰數家千戶所官欲盡屠之仲完力止躬率鄉兵襲執其魁餘竝貰之南鄉人

感其德生子多以於爲名

嘉靖林志永新縣志

趙彥剛福建人洪武閒知萬安縣事廉靜簡約興學勸農均賦役革吏蠹民訟盈廷立剖決之縣西南寇起彥剛征討撫諭賊不爲患民獲安去任惟兩敝篋而已

吉安志

府志

朱仲智浙江金華人洪武二十一年知吉安府事寬厚

廉介政簡刑清修學校勵生徒吏民皆懷畏後移知重

慶府

豫章書

徐誼字宜叔浙江壽昌人洪武中授吉安知府時屬邑

龍泉凋敝秋糧數年不足民之貧者雖賣妻鬻子而迄

不能輸誼出俸五百貫代償之卒於官民皆路祭巷哭

送其歸柩者萬餘人

據浙江通志補秩官失載徐誼今

謹案吉安府志據浙志所引獻

徵錄補入

劉燦浙江人洪武二十八年爲萬安丞攝縣事咨訪民
瘼勤於撫字有勾攝以一木牌疏其名罔不至者曲直
得情獄無冤民

嘉靖林志
萬安縣志

孔文英陝西慶陽人洪武二十八年知廬陵縣事廉介
剛毅官署所需一絲一粟不以累民治蠹吏尤嚴事有
不便於民者去之必力擢監察御史

據吉安
府志補

錢本忠

一作
中誤

武進人洪武三十年知吉水縣有廉名註

誤罷官百姓奔走號泣乞留郡人胡廣力保之得還任
民間本忠復來空閒井迎拜永樂中卒官民哀慕留葬
吉水爭負土營墳其得民如此

明史循吏史誠祖
傳江南通志

萬鵬舉鎮江人洪武間爲萬安縣丞廉平勤敏有豪民
劉仲賢殺鄒君瑞父子五人匿其尸鄒嫗執牒訴諸縣

以無尸證弗錄鵬舉察其冤錄之俄有五蜂聚案如訴復導往劉舍飛集竹坡劇之得四尸如生惟失童尸一蜂復環繞悲鳴導至榆樹下發土得之首猶可識乃具

獄斬劉於市人以爲神

豫章書

蘭芳夏縣人洪武中舉孝廉累遷刑部郎中永樂中出知吉安府以寬厚廉潔稱吉水民詣闕言縣產銀請置冶遣使復視父老遮芳訴曰聞宋季嘗有言此者卒以妄得罪今地皆樹藝安所得銀芳詰告者自承貧不齒鄉里冀以此報獄具同官皆不敢署名芳乃獨陳其妄事卒寢民甚德之芳自奉儉約布衣疏食事母至孝母甚賢芳所治事暮必告母有不當輒加教戒芳受命惟謹由是得爲良吏累官工部右侍郎

明史宋禮傳
白志

趙敏浙江甯海人永樂末知安福縣事公廉有幹局時互訐風盛獄至累歲不能決敏白上官罷其株連者案牘爲清治尙德化好鬪者重懲之慎法者優待之民翕然向風卒葬於縣因家焉

嘉靖林志吉安府志

柯暹字用晦南直隸池州人洪熙元年知永新訟牒盈庭暹折以一二語皆讐服暇召諸生講論經史廢修墜舉民不知勞改知吉水修葺縣治加意學校治之一如永新超擢浙江按察使民思之如失父母

嘉靖林志吉安府志

陳本深字有源一字涇泉浙江鄞縣人永樂初由鄉舉入國子監授刑部主事遷員外郎宣德元年出理江西軍政有聲五年知吉安府與況鍾莫愚羅以禮等同受敕命吉安多豪強俗尙鬪訟巨猾彭搏等十九人橫閭

里本深密遣人與相結爲具召飲伏壯士後堂猝起拉殺之皆曳其尸以出一府大驚樂安大盜曾子良據大盤山眾萬餘本深設伏大破之斬子良由是大猾悉殲府中無事每晨起鼓而升堂吏無所白輒鼓而休偶有訟呼至榻前析曲直遣之亦不受狀有抑不伸者雖三尺童子皆得往白久之民恥爭訟尤折節士人飾治學宮奏新郡先儒祠廟築隄捍水凡百廢墜皆截然整飭滿九載當遷郡人乞留詔與正三品俸又九載請老前後守郡十八年旣去郡人肖像祀之

明史一統志
甬上耆舊傳
黃

潤玉所
撰壙志

曹鼎字萬鍾直隸甯晉人宣德初由鄉舉授代州訓導改泰和典史居官勤慎明恕公暇益苦學不懈時鍾量

知縣事頗易稱職若不知七年督工匠至京師疏乞入
試遂中順天鄉舉明年舉進士第一量乃建坊縣前以
侈之

明史 泰和縣志

鄭容字士昂浙江錢塘人舉人宣德中任樂安教諭邑
無賴曾子良等嘯聚大盤山容率民兵出戰賊潰民賴
以安官至福建按察司副使

據浙江通志補

王業字時泰南直隸興化人宣德初以廕授吉安所副
千戶十年永豐大盤山寇曾子良肆掠業生獲之以功
升正千戶正統十三年從討福建巨寇鄧茂七平之十
四年浙寇嘯聚丁公崖業往征援失陷陣手刃數十人
死之業孫莊字本端襲職正千戶累平賊寇有功正德
五年從都御史陳金討姚源洞寇力戰死越三日得尸

奮怒如生手猶作彎弓狀其英烈視業爲無忝云

據吉安府志

志補一謹案浙江通志丁公崖之戰業軍獨全遂以憤鬱卒與吉安府志不同附注俟考

陳義四川宜賓人宣德八年知龍泉縣事以廉潔稱民有餽魚者斥不受曰此何爲至於我哉楊士奇爲書廉

明二字以贈

吉安府志

何澄四川人正統二年知安福縣事廉靜豈弟嘗以事被劾民詣闕乞留英宗命還任乃築寅陂浚渠道復密湖之舊大興水利秩滿當遷侍講劉球爲民代請遂留

任

明史循吏李信圭傳一統志安志

李岫字景瞻南直隸高郵人正統三年知永豐縣事剛介嚴明鋤擊豪右無少貸勸富民出穀數萬斛以備振濟有不便者誣以私去官縣民涕泣請留遂得復職

永豐

縣志

孫暉字景章

原作景暉誤

浙江海甯人景泰三年以賢良方

正薦授泰和縣丞嘗親定徭役旦夕令下請託不及行

人稱爲霹靂手指其牒爲鐵板榜文言公允不可更易

也擢博白知縣累官山東右參政致仕

浙江通志

張瑄字廷璽南直隸江浦人正統七年進士景泰五年

以刑部郎中賜敕爲吉安知府俗尙巫迎神無休日瑄

遇諸塗投神水中俄遘危疾父老皆言神爲祟請復之

瑄怒不許疾亦愈歲大饑陳牒上官不俟報輒發廩振

貸居八年以薦擢廣東右布政使歷官南京刑部尙書

明史

程宗南直隸常熟人景泰二年進士天順五年知吉安

府事才敏而不務苛察胥吏舞文者釐革殆盡嘗語健訟者曰汝能枉其是非以欺我邪汝將害人適自害耳郡中感其化訟自息尤篤意學校勸督諸生罔有厭怠

云

嘉靖
林志

李愷字仲康湖廣江陵人舉人成化三年知永新縣事縣有梅花峒民梗化不供賦役者殆百年愷單騎至峒諭以利害擇數百人詣縣充耆吏義官人皆感服擢吉

安同知

湖廣
通志

李智字若愚雲南昆明人成化十年知吉水縣事誠心愛民尤加惠於貧困甲午夏恩江水驟漲決民居漂男婦智下令兩岸小舟能救一人者予一金全活無算仍給薪米遣之歸後以禱雨烈日中得暴疾卒吏民哀思

之葬於邑後遂家邑中

吉安府志

虞鐘

吉安府志作虞忠誤

浙江開化人天順元年進士成化十三

年知吉安府事儉約勤慎郡舊徵引錢無藝鐘下車卽革去三分之二著爲恆例民咸德之

據浙江通志補

王昂字抑之廣東揭陽人宏治元年知永豐縣事持廉

秉公化民以德民有兄弟爭訟者將入庭恥之遂止不

訟民俗初喪必椎牛醺酒以速弔客力不足則稱貸以

舉之昂導以禮教俗少變毀淫祠增社學凡事關風化

者爲之恐後其後邑人稱賢令者必曰揭陽公

一統志吉安

府志

陳茂烈字時周福建興化籍浙江瑞安人宏治九年進士授吉安府推官簡重端潔動必以禮爲治持大體推

至誠以感民訟牒至從容研鞫不假筆楚而姦黠自無所容民爲之謠曰要無冤對陳言內擢御史以母老乞

養歸母卒哀慟失明尋亦卒

嘉靖林志吉安府志

張本浙江錢塘人成化十一年進士宏治間知吉安府事郡多豪猾有隙輒聚黨千人相挺擊殺傷無所憚本下車卽械繫其尤奏請聚眾十人以上者俱發遠戍由是皆誓服莫敢犯尤樂表揚風節嘗請建劉子輔譚節婦諸祠人咸謂其知務累官江西巡撫

一統志嘉靖林志

莊典廣東揭陽人宏治九年進士知安福縣事操履端潔政先大綱事必手記以次第行之不假吏手義所必行直前無忌士大夫不敢干以私尤加意學校訓士子以道義今祀名宦祠

安志

段敏南直隸金壇人宏治三年進士十一年知廬陵縣
事爲政寬平不尙苛刻嘗曰嚴以御左右寬以盡下情
吾願左右畏不願吾民畏也催科不擾民輸賦恐後依
之若慈母然

據吉安府志補

李如圭湖廣豐州人宏治十二年進士十三年知安福
縣事精敏有才民之獷悍而猾健者一治以猛由是奸
民相顧斂迹先是田賦之籍漫漶不理貧者苦於虛懸
富者或仍籍畸零爲額如圭清其籍稱其丁糧而升降
之弊乃絕歷官戶部尚書

安志

張醇字宗厚南直隸合肥人成化二十三年進士宏治
十六年知吉安府事俗好訟蔓引動數百人醇莅以嚴
明訟遂衰止勤民事日不暇給胥吏抱文書立庭下如

木偶人府故有堂食錢醇悉以給還歲省民財數千兩

又革富民隱射之弊釐正其籍差役爲均其清心寡欲

強力興事如此歷官都御史民爲立祠

一統志吉安府志

謝表字正邦四川忠州人宏治十五年進士十七年知

永新縣事勵精政治不畏強禦時邑義山之南豪室恃

險負固不供賦役表伐山開道執豪室就法宣布德化

自是皆爭輸恐後

據吉安府志補

馬鉅奉化人宏治閒知永甯縣事廉幹通敏禁師巫毀

淫祠新廟學日聚諸生督訓之百廢具舉縣稱大治

吉安府志

府志奉化縣志

吳景南直隸南陵人宏治末知安福縣事明敏公廉折獄惟允不喜用鈎距曰吾自以詐而欲民不詐可乎胥

吏悚息惟恐戾於法悍民據山洞片紙疏名攝之必立至上官下縣事有不便於民則堅持之曰吾不忍病下而阿上擢金華府同知

安志

陸震字汝亨浙江蘭谿人以學行知名登正德三年進士四年除泰和知縣時劉瑾擅政以逋鹽課責縣民償者連數百人震力白上官得免鎮守中官歲徵貢綿爲減其額邑有浮糧累民稽賦籍得詭寄隱匿者萬五千石以補之親行鄉落勸課農桑增築學舍居諸生躬爲講授毀淫祠祀忠節建倉縣左儲穀待振又立保伍法使民備盜城七里外甃土城十里環之盜無敢入境會徵狼兵討賊所至擾民震言於總督令毋聽檄舟官具糧糗以次進由是兵行肅然以督捕永豐新淦賊論功

徵爲兵部主事泰和人生祀之

明史白志

方坤字舊山浙江餘杭人正德六年進士知永甯縣事

湖廣鹽筴山賊劫掠近境坤撫以靜而分兵防守要隘

賊知有備引去先是永甯土壘無城坤請於上官易土

以磚至今屹爲保障

據吉安府志補

唐侃字廷直南直隸丹徒人正德八年舉於鄉授永豐

知縣之官不攜妻子獨與一二童僕飯蔬豆羹以居吏

民信服永豐俗刁訟尙鬼尤好俳優侃禁止之進武定

知州遷刑部主事

明史循吏傳錄郡縣名臣傳

舊志原案皇明世法

二於庭左曰從刑右曰從化令曰從理者左欲和者右

久之民多立於右以求解言或當於理雖賤吏必改容

謝無理雖權責人百方講說終無所假借以是告訐之俗爲之一變

朱諫字君佐浙江樂清人宏治九年進士正德中知吉

安府事郡有豪民附宸濠橫甚諫逮繫之論如法又逆計宸濠必叛日儲饗募兵浚陰墻障人莫測其意去郡後二年宸濠果反王守仁由吉安起兵竟資其備豫之

力云

據浙江通志補

柯相字元卿南直隸貴池人正德十二年進士十三年知永新縣事宸濠之亂王守仁舉義討叛相集兵三千隸守仁而身居守事平守仁敘其功相辭不受

江南通志

周詔四川富順人正德十二年進士十六年知泰和縣事巨盜廖贊戴鳳池連結南贛諸賊四出無忌詔先後捕其渠魁殲之餘黨置不問眾皆悅秩滿升刑部主事

吉安府志

王冕字服周河南洛陽人正德十二年進士除萬安知

縣甯王宸濠反長吏多奔竄冕募勇壯得死士數千人
從王守仁攻復南昌宸濠自安慶還救至鄱陽湖官軍
戰不利冕密白守仁以小艇實葦於中就賊艦乘風舉
火遂大敗之宸濠倉易小舟挾宮人遁冕部卒權漁舟
追執之宸濠平功未及敘坐他事落職世宗踐阼錄前
功擢兵部主事

明史忠義
傳舊志

胡偉字邦奇湖廣京山人正德十六年進士嘉靖元年
知永新縣事興學勸農儲粟振飢百廢咸舉邑歲賦恒
苦虛賠民流亡者眾偉疏請量田更籍均其賦役命下
豪右咸不便偉力持之遂定計分都制籍因賦著役不
浹歲告成轉徙者得復業

安志

吳邦祐字少溪南直隸歙縣人貢士嘉靖閒知永甯縣

事廉潔明敏訟至立予剖決民數十里就鞠者皆朝至夕返無所滯胥吏畏之如神會山寇劫掠邦祐率兵勦之生獲甚眾乃置巨惡者於法餘從輕比不妄刑一人

據吉安府志補

黃宗明字誠甫一字致齋浙江鄞縣人正德九年進士歷官刑部郎中嘉靖四年出知吉安府潔己愛民不畏疆禦有勢家窩盜爲害密捕寘之法郡民以安尤振興文教以白鷺洲書院爲宋江萬里造士所創亟修復之召諸生講覈經義歷升禮部左侍郎

據明史本傳鷺洲志霍韜所撰神道

碑補

危嶽字季申湖廣黔陽人嘉靖八年進士九年爲吉安府推官剛毅有大節不因貴勢而撓嘗署安福縣事縣

苦虛糧嶽閔故籍詢土宜盡得蠹吏奸狀乃力行丈田
嘗單騎入山谷閒履畝抽丈豪猾無敢逞志及病篤猶
集羣冊以督其成竟卒於官貧無以爲斂士民哀之爲

編遺愛集

吉安府志

劉坤山東壽張人嘉靖九年爲萬安令潔已愛民不設
鉤距民以訟至必教以孝弟睦婣令所親諭解而後決
之自奉儉約布袍革履出入阡陌閒每飯侑以蹲鴟率
數日始一肉食時有官瘦民肥之謠

據吉安府志補

陸榮字子餘一字浚明南直隸長洲人嘉靖五年進士
選庶吉士以給事中建言忤旨謫貴州都鎮驛丞十二
年遷永新知縣治政嚴明吏肅民畏有好黨十數輩螫
害良善廉其人置之法時寇煽諸境邑羣不逞起而爲

盜案乃損益保伍法召諸高盜者貰其罪令立功自贖
前後獲盜數百人悉斃之姦猾屏迹尤重學校禮耆老
倡鄉約民至今稱之

明史
舊志

許貫之字道卿浙江錢塘人嘉靖十四年進士授吉水
知縣浙江巡按某者縣人也意有所屬欲以浙事相酬
微言諷之貫之曰如此則類貿易有市心矣拒不可愛
民若子權貴干請一切謝絕治行爲江右冠以兵科給
事徵將去出己資葺縣宇繕完器具以待後尹曰吾不
忍重勞民也其瘠身厚民若此

浙江
通志

屠大山字國望一字竹墟浙江鄞縣人嘉靖二年進士
十五年任吉安知府鄉薦紳尚書王學夔在朝諸公子
稍橫里中大山取其蒼頭助虐者治之諸公子因折節

稱儒生學夔嘗謂人曰使我諸子得比於人數不覆吾

宗俱屠使君教也世兩賢之

據用上書
舊傳補

靳學顏字子愚山東濟甯人嘉靖十三年舉鄉試第一
明年成進士歷吉安知府始下車盡罷諸供具愛民節
用刑不妄施未數月郡以無事吏晨起抱文書上堂印
署畢退坐舍中蕭然無他營郡中巨族造請必正色拒
之嘗有乞佃寺地者學顏曰職守土固不能以地與人
惟以正身宜民爲急累遷左布政使官至吏部左侍郎

明史
豫章書

劉修己河南新蔡人嘉靖二十六年進士爲吉安府推
官鞫獄明決日夕手撰獄詞不他寄耳目於人一言無
所假及攝吉水三尺童子可以牽衣告語縣人視其去

留以爲欣戚卒於官民哀之若親之喪

據一統志補

張言字思默廣西臨桂人嘉靖二十六年進士初授永

豐知縣建社學裁冗費巨室有以私請者重罪之自是

不敢有所請擢戶部郎累遷尋甸知府致仕歸

據粵西文載吉

安府志補

陶大年字長卿浙江會稽人嘉靖二十年進士三十年

以南京兵部員外郎出守吉州時巨盜劉某侵暴鄉邑

令莫能制大年至捕得之寘重典四境以安有貴要倚

勢殺人當路書紛至求寬假竟論如法爲政嚴明方正

絕私交罷行戶四載遷山東副使

據吉安府志補

劉廷賓廣東南海人嘉靖閒通判吉安府樸儉無欲爲

政方直絕請託嘗攝安福縣事時民閒苦役廷賓簡易

寡交游燕會稀舉民當甲者至不費一錢捕劇盜獲金緘識歸公秋毫不自利家故貧癖舍蕭然泊如也擢泉

州府同知

吉安府志

張元諭字伯啟浙江浦江人嘉靖二十六年進士三十八年知吉安府事慈愛果敢事當行者弗以利害中止巡按某委以訪緝元諭廉其人無辜竟宥之嶺南盜犯江西將及郡境元諭登城設守遣人以牛酒招諭遂一無所擾官至雲南按察副使

據吉安府志補

陳瓚南直隸常熟人嘉靖三十五年進士三十九年知永豐縣事興學禮士治以教化爲本值閩粵流寇猖獗所過屠戮瓚聞變籌畫方略戰守有備寇薄城下相拒七日散去邑賴以全內擢給事官至刑部侍郎

據吉安府志補

劉芳茂山東濟南人任泰和巡檢鄰寇薄境芳茂力戰死副使汪一中率將吏爲文祭之

白志 謹案舊志作劉芳今改從泰和縣志

王應鵬爲吉安所指揮僉事嘉靖辛酉程鄉賊掠泰和應鵬與百戶陳策領兵禦賊俱力戰死之事聞立祠以祀加應鵬子指揮同知

豫章書

唐鼎爲永新守禦所千戶嘉靖辛酉之亂鼎從征至泰和冠朝里力戰矢盡爲賊所害贈官二級錄其子

豫章書

樂文解字廷冠隆慶六年以貢授吉安訓導從羅洪先講學與語忻然曰吾老友也署廬陵縣事值歲饑著救荒解上當道行之邑賴不困擢鳳陽縣教諭雷州教授

謝病歸

福建通志吉安府志

張振之字仲起南直隸太倉人嘉靖三十八年進士萬
曆四年爲吉安知府興學厚俗省畊課桑申停喪溺女
之禁革張鐙競渡之習邪教號無爲者嚴罪之娼優逐
之治獄矜恕不入贖大辟重戍多從末減持己清約蕭
然類寒士在郡三年還解官歸尋起浙江按察副使豫章
書

閔世翔字仲升浙江烏程人萬曆八年進士任安福知
縣性坦率不設城府歲饑躬往振濟勸率富民出粟時
方丈田慮邑賦漫漶吏得影射選一二布衣儒士有學
行者主之老吏束手至爲蜚語憾之終不動賦賴以清
升南京工部主事浙江通志

錢一本字國瑞南直隸武進人萬曆十一年進士除廬

陵知縣徵授御史入臺卽發原任江西巡按視大舟貪
墨狀大舟至遣戍已論請從祀曹端陳真晟羅倫羅洪
先於文廟後以爭國本忤旨斥爲民一本初官江西與
王時槐善及罷歸與顧憲成輩分主東林講席學者稱
啟新先生

明史白志舊志原案府縣志均失載此
所采者雖亦無廬陵政績然其發視大舟貪

墨狀請祀羅洪先羅倫與王
時槐友善皆屬江西特補入

徐學聚字敬輿一字石樓浙江蘭溪人萬曆十一年進
士十四年任浮梁知縣盜賊充斥窰鎮無賴多窟穴其
中學聚設法解散之調知吉水邑故多水患學聚築隄
備禦水不爲災民稱爲徐公隄丁亥戊子歲饑多方振
濟民賴以生在官六年擢禮科給事中

吉水縣志
浙江通志

汪可受字靜峰湖廣黃梅人萬曆八年進士任吉安知

府徵輸便民造條鞭之法立有郡門云官壞此法者官不職民梗此法者民弗良書吏舞此法者遺遂著爲例

志安

李樹敏南直隸揚州人萬厯閒由恩貢授安福丞精敏廉幹始至部使者督行田甚迫樹敏自治食具行阡陌閒不煩民一饌而會計精覈攝縣事奸民乘隙結訟樹敏獨持簡靜有餽送悉卻不受卒於官貧無以斂百姓釀錢助之糶乃得歸

志安

余懋衡字持國一字少原南直隸婺源人萬厯二十年進士除永新知縣興利除害初邑學在治東後徙置西南隅羣稱不善懋衡捐俸復故人以爲便又創明新書院以求實用之學置田給師儒供膳立錢糧官解法以

甦民困大吏下其法於諸郡江省之有官解自懋衡始

也官至南京吏部尚書

明史
安志

夏九鼎浙江嘉善人萬厯二十年進士任安福知縣一言一動皆密有疏記撫民如子待士大夫以禮不可干

以私時稱爲夏鐵耳

吉安府志

莊祖誥四川成都人萬厯二十九年進士三十年任永新知縣調廬陵廉介不苟頌聲載道一日有布衣老者一童子執荆隨之傳柝而入祖誥迎拜甚恭老者乃祖誥舅也曰吾商舶過此若翁屬我來廉汝政事不善則予杖此荆乃若翁所授者今令名如此可以歸報若翁矣言畢拂衣去留之不得步行送之舟由是益懷義方

之訓

吉安府志

濮中玉字琢峯南直隸舒城人萬曆三十五年進士任
泰和知縣爲政威惠並用守正不阿凡爲民患者悉罷
之倡立社學置田以贍貧不能得師者皆來就學去官

日蕭然敝篋而已

吉安志

顧四明山東利津人萬曆二十三年進士知吉安府事
清操自持愛民禮士郡學博劉錫元嘗曰顧公署多糟

糠少膏粱

據吉安府志補

明時舉四川順慶人萬曆三十八年進士由峽江令調
知廬陵以慈仁著四十二年大饑設法振賚全活無算
其後水旱頻仍復請改折南兌米邑民賴以不困數擒

大盜鄉邨帖然

吉安府志

王元瑞字心岫南直隸華亭人萬曆四十一年進士四

十二年任泰和知縣愷悌樂易不事苛刻嘗捐俸築隄

水不爲患至今稱爲王公隄

安志吉安府志

瞿式耜字起田一字稼軒南直隸常熟人萬歷四十四年進士知永豐縣事政尚寬仁捐資建尊經閣三元堂復恩江書院刊龍華彙雋若干卷嘗署吉水亦多善政後官文淵閣大學士兼兵部尚書留守桂林殉節死

明史

吉安府志永豐縣志

余玉節字振衡湖廣大冶人萬歷二十九年進士天啟中知吉安府事講求馬驛漕艘爲畫一之法以蘇民困時方建魏忠賢生祠議撤白鷺洲書院爲之玉節力爭得不廢妖賊肆逞兩臺奏留爲布政司參議單車就道至則簡將士峙糗糧嚴斥埃廣布方略屢挫賊鋒擢南

贛巡撫竟以勞瘁卒

吉安府志
湖廣通志

陸康稷字宇粒南直隸吳縣人萬曆四十四年進士天啟閒任廬陵知縣性廉而察善決獄養濟院丐者素橫富家毆之丐舁一尸至縣指爲富家毆斃康稷驗尸口中有土詰以掘陳死人誣告狀丐駭服吐實遂正厥辜一邑奇之內擢將行值編審悉心審定而後去

安志
謹案康

稷嘗知貴溪縣有
廉聲見江南通志

張昂之南直隸華亭人天啟二年進士四年令廬陵耿介不阿上時鄉紳某與直指有舊爭訟理屈昂之按以法無少徇兵備使者諷曰作令須五味具足昂之對曰職止一味苦而已會禁僞學排鄒元標令毀白鷺洲書院昂之姑應之書院卒保如故

據吉安府志補

高賚明廣東順德人天啟二年進士知安福縣事有惠政時魏忠賢方毀書院建生祠縣書院皆在毀中賚明誓死持不可竟得不毀邑人至今頌之

吉安志

洪啟遵字素原福建泉州人崇禎元年進士任吉安府推官耿介果敢不畏強禦民有冤抑白於府自理之犯者雖貴勢必寘於法無敢有私請者尋署吉水令多惠

政內擢臺諫有聲

據吉安府志補

宋運昌浙江山陰人

原作江南人談

崇禎元年進士三年知龍

泉縣事粵賊將入境運昌豫設方略繕城濬濠集鄉勇數百人教以戰守之法逆探賊所從入路斬木累石以塞之又嚴守山之四隧隧各置戍百人賊不敢至一縣

獲全

據吉安府志補

管正傳字元心一字德園南直隸長洲人崇禎四年進士有文名及爲永新知縣禁竿牘絕苞苴民有疾苦力罷革之巨猾爲不軌者捕至卽杖殺窮治其黨尤折節下士手自課程多所成就舉卓異調繁贛縣安志永新縣志邵夢河廣東人崇禎閒任吉安府通判署安福縣事張獻忠寇陷郡邑將及境夢河慷慨登陴飭守禦勢不可支遂遇害邑民得餘骸殯之建忠節祠以祀吉安府志劉繇祚字季延南直隸武進人崇禎四年進士五年爲永豐知縣鄰境九蓮山界閩粵賊窟其中繇祚屢請兵會勦賊怒率眾來攻繇祚出擊三戰三捷賊益大至繇祚伏兵黃牛峒誘賊復大破之縣境以安以勞得疾請告歸卒白志

陸運昌字夢鶴浙江錢塘人崇禎七年進士授永豐知縣請免逋租數萬調吉水取河壩棄地代償民田浮賦修飭學校清軍審丁治行爲一時冠會有寇警親運磚石以爲城守之備民尤賴之

一統志永豐縣志

關捷先廣東南海人崇禎七年進士十三年知廬陵縣事持己清廉治尙德化會游兵過境突倡城下捷先戒民勿擾曰若輩所欲者利耳乃登城厲聲曰予廬陵令也貧邑無多財姑以千金犒若當速去不則背城戰耳遂引去尋以憂解任囊橐蕭然士民集白金數千致贐堅卻不受眾乃以所集金建祠南街顏其堂曰海上清

風云

據吉安府志補

湯執中浙江嘉興人以掾史選授廬陵丞崇禎十五年

粵寇入吉安永豐直抵泰和白羊叻百戶梁學兵寡被殺漸偪郡城執中率民勇集鄉兵禦賊賊突至殺巡檢龍德新執中遇賊木湖洲力戰死

據浙江通志補

梁于涖字飲光南直隸江都人崇禎十六年進士任萬安知縣慷慨持大節縣當倥偬兵馬絡繹于涖措置有方山寇圍城登陴誓守城壞整衣冠拜畢投水死

安志謝

志原案萬安縣志于涖莅政八月值國難作以守城就縛不屈繫獄數月絕粒而死所載互異謹案舊志有王春復傳與贛州府複今刪併

國朝

薛世瑞字執躬山東范縣人順治三年由貢生授龍泉令時吉安初破不軌之徒多竄身戎伍肆掠環城十餘里焚燬幾盡世瑞日往來諸營見被掠者輒救出之力

請緩徵以甦民困戊子大饑拊循備至嘗市粃麥不可得至夜乃一食其清操愛民如此

吉安府志

王化行山東人貢士順治四年知永甯下車問民疾苦以興化致治爲己任寬刑罰省徭役禮士愛民咸依之如慈母五年寇變守死不去竟罹於難

吉安府志

趙世猷順天人順治六年知安福縣事兵燹後人心未定世猷至捐去一切文法與民休息歲丁亥大侵石米七金多方拯救爲糜以振所全活甚眾游兵入境掠財莫敢訶問世猷力戢之士民甚感其德

安福縣志

儲曾字觀我江南宜興人順治六年進士七年知永豐縣事時縣多盜曾擒渠首誅之盜悉平兵有奪民財者真諸獄其黨五人自稱提標官捧檄來索曾識其詐并

執付獄俱伏法自是驕兵斂迹坐民述糧免官越一年復以檄清額欠至入境有民挈妻迎拜車下問之則向有豪欲奪民妻訟諸曾始解至是生男女各一故尸祝

不忘云

江南通志

閻毓偉字翼望山西徐溝人

原作夏縣人今改從進士題名

順治九年

進士授吉安府推官吏捕礦徒二十餘人應論死毓偉廉得其情實爲首者於法餘盡釋之以廉敏入爲吏部

主事

山西通志

鄧秉恆字忍庵山東聊城人順治六年進士十三年任永豐知縣釐剔奸蠹發伏如神嘗率鄉兵勦平山寇建恩江橋以利行人往來稱便郡舊食廣鹽鼎革後鹽已不行而課猶在秉恆內召疏免其課闔郡德之

永豐縣志

蕭恆字月如陝西三原人順治九年進士十六年任安福知縣邑田爲沙水所侵多虛賦請於巡按御史題減糧千餘石至今賴之繼恆者有袁時泰富平人亦以清慎稱邑人謠曰前有蕭父後有袁母

一統志
安志

于藻字慧男順天大興人貢士康熙元年知廬陵縣事修廢舉墜利興害除三年知府郭景昌新莅任勵精圖治藻益克盡其才請復淮鹽清軍戶修便民倉於城西建兌漕倉於省會立義學於景賢書院自捐膏火復置產取租以資修葺在任十餘年爲廬陵治績之最

吉安府志

馮肇楠字木伯浙江會稽人順治十五年進士康熙三年任永豐知縣甯都蓮花峯盜擁眾負險諸縣患之肇楠單騎詣賊營撫諭格以至誠賊眾羅拜就撫尋被議

免官去

永豐縣志

焦榮字荆巖河南新野人順治十二年進士康熙三年知安福縣事性嚴毅持法不撓盜賊以戢邑舊無志榮始捐俸修之尋擢御史

舊志

顯孫佐聖江南徐州人貢生康熙四年任泰和知縣審丁清丈豁絕戶虛糧復造赤歷以杜懸欠之弊降兵將至縣屯田佐聖力陳不便得中止人咸德之

泰和縣志

高可極字爾建安徽潛山人舉人康熙五年任永豐知縣甫下車卽請食鹽免充廣餉民苦派馬之累又請捐銀買馬不取民夫民以不困去官日士民焚香泣送者數十里

江南通志

李徵泰字晦修山東長山人順治十五年進士康熙六

年任永豐知縣公廉守法豪猾憚之時南寇未靖降兵就州縣屯墾至則強占民田民屏息莫敢與較徵泰力請於大吏撤兵去民乃獲蘇在任四年以勤勞卒官邑人建遺愛祠祀焉

永豐縣志

鄧雄字虎山山西大同人康熙七年任萬安營守備愛民重士軍法嚴峻兵有侵民園蔬者犯雖小必置於法操練士卒以身先之兵馬糧糈一無所私濶十四年賊將韓大任陷郡城雄率兵往援明年山寇陷萬安雄馳歸奮力恢復敘功升安慶遊擊

吉安府志

王雅字思繩浙江慈谿人順治十六年進士康熙九年授吉水令邑素患賊重自明季相沿如舊雅至惻然憫之力請於上官往返駁詰卒得免荒糧千六百石有奇

漕運列以冬月文昌鄉水涸道險舟不利行雅請改漕
運九千餘石爲京口兵米以春漲往民大便之在任三
年修縣志禮儒士興利除弊曉夜如不及尋擢吏部主
事

陝西志

張召南字仲文陝西朝邑人順治十八年進士康熙十
年知安福縣事西鄙阻遠民抗不供役召南單騎往諭
以大義咸感泣輸賦吳三桂僞將出江西陷安福召南
請兵復之時議分滿洲兵駐守召南力陳不便乃止後
以職事赴會城賊突至城復陷召南馳歸集鄉勇再復
之招撫瘡痍馴服頑梗勸開墾給牛種得田二千餘頃
內擢未任卒

陝西志

陳復新字煥然山西潞城人康熙十四年任廬陵典史

時滇逆方肆甫蒞任賊眾遽至遂爲所執僞將韓大任誘以官不受羈民舍以賊黨守之復新乘閒令僕亡去

自經死

山西通志

龔其裕字容溪福建閩縣人貢士先任瑞州通判以才能攝府事滇閩之亂草寇充斥其裕選鄉兵申號令隨征行閒有功升吉安知府時城已爲逆將韓大任所踞其裕至駐兵螺子山相拒歲餘以計破之賊宵遁其裕入城撫定多方綏輯遺黎獲再生焉祀二郡名宦崇祀錄

吉安府志

蔣維藩字价人漢軍鑲紅旗人舉人康熙十七年舊志作順

治初

知吉安府事時所在山寇肆劫維藩單騎詣賊營

諭以禍福就撫者數萬人亂後民苦飢復捐米千餘石

設粥振之全活甚眾乃創書院課諸生以學士風人振

吉安府志

黃成章字簡齋福建泉州人康熙十五年山寇陷萬安城成章奉檄提師壓境與守備鄧雄會兵克復因駐師萬安招徠撫綏流亡歸集十七年補萬安營遊擊二十

二年缺裁改湖北均州士民立碑頌德焉

吉安府志

馬之驊字飛穆漢軍正藍旗人監生康熙十七年知萬安縣事縣經寇難甫復之驊銀荒田修廢墜悉心拊循奸弊盡去會官兵過境之驊應給無乏悍卒擾民單騎往緝咸斂手畏避治縣九年以報最擢知潁州府

吉安府志

陸在新字文蔚江蘇長洲人舉人康熙二十五年任廬陵知縣嚴重有威境內帖然縣治前建閭苦亭諮民疾

苦催科不擾自奉若寒素卒官民罷市三日白衣冠哭

送者填道

江南通志

羅京字周師浙江會稽人康熙二十七年任吉安知府莅政寬平與民如家人婦子行縣所至必召邨父老子弟語以慈孝和睦省事節財久之屬吏皆感化其見諸實政者如復興賢之門恢書院之制增理學鄉賢之祀皆有當於士民之心及去任羣卽試院東立祠以祀至於今不替

吉安府志

劉廷瑛字定巖直隸永年人康熙三十三年進士三十九年任廬陵知縣自奉澹泊課士必語以孝弟遜讓輸納錢漕聽民投櫃平斛嚴馭胥吏折獄如神城南曲溪有高岸當贛水之衝外高中下居民用廬特岸以爲固

四十三年圮於水廷瑛捐俸倡築邑人感之名曰劉公

隄恩署安福有政聲

吉安府志

張士琦字天申一字韋齋江蘇嘉定人副貢生康熙四十一年知永新縣事革前令丁漕加派之累懲奸胥捕豪猾境內稱治尤好獎士類建秋山書院選俊秀肄業其中延臨川李紱主教事尋以歲饑貸粟頑民不樂償被劾罷職士之馴良者皆惜之

吉安府志永新縣志

宋纘殷山東蒙陰人康熙閒爲吉水典史精於緝捕勇力過人盜聞宋尉名咸徙去先是縣南瀘源洞地處險遠有李鬍子者擅技勇士人相推爲長擾害居民上官因其勢羈縻之有盜七人當刑匿李所纘殷往捕李攘臂而笑纘殷猝前縛李仆地出利刃加諸項李惶懼乞

命須臾縛羣盜至皆伏罪李由是請奉約束供賦役一

鄉以安

吉安府志

塗宗震直隸宣化人貢生康熙五十一年知廬陵縣事
縣之延福鄉積久逋糧宗震親往勸諭鄉民恃眾而囂
其地搢紳聞之踉蹌至伏地請罪宗震掖之起曉以利
害令率眾各納所逋搢紳皆唯唯留三日宿課一清乃
拘首聚眾者數人予以杖語之曰汝輩一入城卽無活
理姑釋爾勉爲良民自是一鄉皆感化治邑十六年培
植士林撫恤百姓案無留牘野無追呼邑人稱之爲塗

父

吉安府志
廬陵縣志

鄭曉字錦峯山西五臺人康熙五十七年進士雍正五
年由翰林院檢討出知吉安府下車采納風謠習知民

閒疾苦居數月釐奸剔弊鋤暴安良政聲大起坐讞獄
瑞州失出罷官會苦旱嵒時閒居郡城百姓環嵒舍請
命嵒乃步行烈日中自金牛寺達府城隍廟禱之翼日
果大雨郡人爲建甘雨亭未幾還舊任聞報之日甘霖
再沛遂於寺旁建龍神廟以答神貺百姓感嵒功德亦
於寺奉木主祀焉

吉安府志

王師槐四川人武進士雍正五年任吉安營叅將善騎
射勇力絕倫喜讀書重文學每與郡人士尙論古人亶
亶不倦郡人皆以名將目之整飭戎行每列一陣親躍
馬引導給饌公平御下恩威並濟時論方之羊叔子焉

吉安府志

王卓字立齋陝西蒲城人舉人先署瑞昌縣有政聲雍

正五年知龍泉縣事吏胥工壅蔽卓至廉得數渠猾立置之法時上官檄查開墾將以取盈卓以無可增益報軍丁多扳累民戶卓稽前令趙嗣朴成案駁正之在任

五年以清廉著

吉安府志

王忍進湖北東湖人拔貢生雍正十三年知廬陵縣事廉潔寡嗜欲接民如家人父子情無不達恩進母故賢奉事至孝事無鉅細退必告母母色霽則喜否則長跪請教折獄罕用刑一日鞭扑十數人怒不解退見母有慙色母問之具以吏胥舞法告母大喜勞以酒曰兒性慈能嚴懲蠹役民鮮冤矣

吉安府志

黎芝字友蘭四川夾江人舉人雍正十三年知永新縣事廉明寬大訟至必平心以聽之童孺皆可伸訴明直

立剖黠者莫能欺征收錢漕力行滾單法民無迫呼之
擾初邑中命案尸屬往往集無賴擁門橫索酒食無忌
或殺人者貧輒視其族富厚者誣爲主謀擄奪如前狀
胥役復乘閒誅求芝出示嚴禁不悛者痛懲之澆風以

息

吉安府志
永新縣志

徐大坤字順庵湖北大冶人拔貢生乾隆五年由興國
令調知吉水縣事仁文書院久就圯大坤重新之捐俸
置田給肄業生膏火更以官田之荒者勸民墾種歸其
田書院爲延師課讀之資縣南城隄圯前後議建復未
允大坤力陳利害得報可遂築石隄四十餘丈以衛民
居調署廬陵縣亦有政聲擢瑞州同知尋所築隄復圯
於水大坤力疾來縣補築卒於工

吉安府志

李其昌字敬伯一字蓮溪四川成都人乾隆七年進士任峽江知縣調新建勤於民事折獄如神二十三年擢蓮花廳同知廳境多崇山盜賊蜂聚其昌捐金購捕獲盜首數人伏法盜寢息鄉俗信巫尚鬼多無益之費貧者或鬻產以酬神婚姻之事巫操縱其閒爲利藪其昌並禁絕之葺學宮創書院修廳志定漕章庶政靡弗舉焉升貴州南籠知府

吉安府志

解鳴鹿直隸人乾隆八年任吉安營叅將時兵丁懈弛久橫行市廛凌侮百姓有赴訴者將弁輒右兵抑民以是兵益肆鳴鹿至嚴申禁令廉得無狀者置諸法營伍肅然性勤慎晝練士卒夜巡街市無少息當時以爲難

吉安府志

張中正字靜觀四川井研人歲貢生任永新縣丞署縣事聽斷明決清介自持士民醵碑頌德尋升萬安縣以疾乞休去官日闔邑攀輿乞送者直達楚境

四川通志
詳案張

中正吉安府志職官失
載今據川志以補其闕

孫承祖字又庵浙江錢塘人監生道光元年任永甯知縣性剛果爲政嚴明作十勸歌以訓俗不率教者懲之葺城垣新公廨修志乘百廢具興口碑載道

吉安府志

王青熙字心潭山東清平人道光十五年進士十六年權永甯縣事發奸摘伏有神明之稱先是鄉民因訟至縣科差與敬家朋比需索百端案未結而家已破青熙痛懲之弊遂革

吉安府志
永甯縣志

李鎔經字子畚山西定襄人嘉慶二十二年進士由部

曹出守建昌道光二十二年調知吉安府事謙和誠篤
潔己愛民倡建青原書院以經藝策論課士購書數千
卷爲學者考訂之資彬雅之風於斯爲盛

吉安府志

楊曉昀字春野山西和順人道光十二年進士歷宰永
豐永甯二縣俱以廉明稱道光三十年廬陵民因漕滋
事曉昀奉檄移廬陵至則平其價揭榜撫綏眾咸帖服
性儉約居官不改儒素咸豐五年粵賊入寇隨知府陳
宗元城守六年城陷死之閩署皆自焚死

詔依知府例贈卹子郁齋賓齋從死並

賜卹

吉安府志

王本梧字鳳棲一字琴仙浙江鄞縣人拔貢生由御史
出知吉安府政尚寬仁加意造士咸豐三年楚賊鄒恩

澧煽亂本梧迎戰失利賊遂薄郡城眾議堅守本梧曰
守以待援今省城被圍援何自得賊裹脅日眾相持久
我糧將竭不如戰也於是厲士卒乘賊不意出小南門
襲擊之賊大敗越日賊至愈眾勢將危本梧書十六字
付其子曰城存與存城亡與亡惟有一死以報君王遂
出城擊賊再敗之於南門外乘勝逐之中途伏賊起軍
皆驚潰遂遇害照磨謝時霖亦同時死事

聞贈道

銜再贈太僕寺卿建專祠時霖附祀焉

江西忠義錄吉安府志

郡

縣志

陳宗元字柳坪江蘇吳縣人道光十三年進士咸豐四
年由吏部郎中出爲吉安知府勤明率屬造士尤殷五
年冬賊酋石達開犯郡宗元從吉南贛甯道周玉衡激

屬士卒晝夜防禦屢斬獲繼而援盡力竭城遂陷宗元巷戰死之時六年正月二十五日也子世濟亦與難同

治中宗元追諡武烈

江西忠義錄吉安府志

章裕善字竹虛浙江嘉善人舉人以知縣分江西署樂平縣事懲緝土匪有聲咸豐四年調署吉水明年粵賊來攻兵餉皆置援不至城陷裕善冠服坐堂皇朱書諭賊願以身常之毋傷百姓手鈐印其上從容仰藥死裕善性慈厚政尙寬平方賊之甫至也度事無可爲因自製絕命詞中有云請兵無有請餉無有一死對天敢謂不朽又云慚予德薄無術衛民殘害吾身勿傷一人士民傳誦流涕事

聞贈卹如例

江西忠義錄吉安府志吉水縣志

閩並

賜卹

吉安府志 廬陵縣志 檔案

柏英字仰峯滿洲正黃旗人咸豐初擢吉安叅將飭營伍嚴紀律暇則寄情書史有儒將風五年冬粵賊犯吉安柏英與知府陳宗元固守被圍七十餘日援軍不至賊穴地攻城城陷柏英率兵巷戰力竭死之都司馬福壽守備克什布千總謝明亮等皆死事

姚體備字秋浦山東鉅野人道光二十七年進士咸豐七年任廬陵知縣時粵寇踞城官兵屯固江體備治餉贍軍恆達旦不寐及城復招集流亡撫綏甚至築城垣修壇廟捐資課士凡有益士民者罔不爲舉官至皖南兵備道

吉安府志

曾省三字佑卿四川榮縣人咸豐二年進士由庶吉士改部曹出守南康同治元年調知吉安府性磊落能任事值兵燹之餘庶事廢墜省三力振作之衙署考棚之建書院束脩膏火之資百計圖維漸以復故尋丁母憂去官

吉安府志

黃汝梅字小亭湖北漢陽人同治元年知永新縣事剛果有爲嘗以計擒斬謀亂匪首又爲義圖申請徵賦定章視他圖準折之價有殺以示獎勵義圖者能遵定制輸納夏秋二稅無逋賦者也復請漕米緩一月起征以舒民力民德之尋卒於官

吉安府志

宦績錄九

撫州府

晉

庾懌字叔預潁川鄆陵人少以通簡爲兄亮所稱出補

臨川太守寬厚容眾時人稱其才器晉書林志撫州名宦有

吳臨川太守朱然考三國吳志然傳明言丹楊之臨川則非今臨川也又明一統志王義之爲臨川內史前志

據晉書本傳不載案中與書王義之遺書中與書王修齡稱義之爲

我家臨川今撫州多義之遺迹中與書在晉書之前宜爲有據本傳或失載耳今義之已載統緒故不重列云

周鎮字康時尉氏人清約寡欲所在有異績罷臨川郡

還都泊清溪渚王丞相導往視之暴雨猝至舫至狹小

殆無復坐處導曰胡威之清何以過此卽起爲吳興郡

世說新語

宋

荀伯子潁川人好學博覽以尚書左丞出補臨川內史

王宏稱其沈重不華有平陽侯之風在郡撰臨川記六

卷宋書

江蘇通志卷一百三十一 蘇州府

五

謝靈運陳郡陽夏人少好學博覽羣書文章之美江左莫逮宋祖登祚徵爲祕書監以疾免官性好遊覽爲孟顗所奏太祖知其見誣遷爲臨川內史賜秩中二千石在郡遊放不異永嘉銅陵石磴靈谷墨池皆其遺迹弟惠宣亦爲臨川內史

宋書謹案靈運於臨川無異政舊志特以文名錄之今姑仍其舊

齊

何昌寓字儼望廬江灞人永明元年以太子中庶子出爲臨川內史不雜交遊通和汎愛厯郡皆清白士君子多稱之

南齊書謝志原案林志載孔琇之永明末任臨川太守攷本傳乃臨海非臨川也不敢襲誤

梁

到洽字茂宏彭城武原人少知名清警有才學士行天

監十二年爲臨川內史在郡稱職昭明太子與晉安王書曰到子風神開爽文義可觀當官莅事介然無私誠海內之俊又東序之祕寶

梁書

殷鈞字季和陳郡長平人天監中出爲明威將軍臨川內史鈞體羸多疾閉閣臥治而百姓化其德劫盜皆奔出境嘗禽劫帥不加考掠但和言誚責劫帥稽顙乞改過卽命遣之卒爲善人郡舊多山瘧更暑必動自鈞在任郡境無復瘧疾

梁書

蕭子雲字景喬蘭陵人中大通三年以貞威將軍爲臨川內史在郡以和理稱民吏悅之

梁書
本傳補

陳

駱牙字旗門吳興臨安人天嘉三年爲臨川內史發奸

摘伏如鑑初南城周迪久據臨川不下四年復命都督

程靈洗擊破之迪遁入山使人潛往郡市魚鮭偵探虛

實牙執之令取迪自效迪因以敗太建三年徙桂陽太

守陳書建昌府志謹案陳書本傳天嘉三年牙以

川太平周迪功遷臨川內史周迪傳則謂天嘉四年為臨

太守勤撫字嚴律已上敬下懷以平留異歐陽頗有功

蕭摩訶字元允蘭陵人也果毅有勇力天嘉中為巴山

朝廷褒之陳書

唐 南唐圻

周法猛武德五年為撫州刺史建述陂引渠溉田二百

餘頃民懷其德立祠祀之明一統志謝志原案撫州

王廟碑載漢末有廖國祥者開封人為撫州路月建陂
事蹟與法猛相類但漢末無開封與撫州路之號亦

非漢官名
未敢仍誤

張景倩

舊唐書五行志作張景夫

開元二十九年爲撫州刺史立身

謹約爲政清明後守顏真卿爲書清德碑

明一統志

顏真卿字清臣京兆長安人先世居琅邪臨沂舉開元

二十二年進士及第登甲科乾元元年以誣貶饒州刺

史代宗廣德二年除檢校刑部尚書知省事永泰二年

忤宰相元載坐以誹謗貶硤州別駕尋換吉州司馬大

曆三年遷撫州刺史在州四年以約身減事爲政修睦

築陂以溉民田民甚德之真卿在江西恆與往來詞客

詩酒講論爲樂所著有廬陵臨川等集後轉湖州刺史

復內召以太子太師宣慰淮甯爲李希烈所害贈司徒

謚文忠

唐殷亮顏魯公行狀傳宋留元剛顏魯公年譜

新舊唐書本舊志

王圓寶應閒任撫州刺史以州治在赤岡非道路之會

改建連樊汝水間遷州城於香柑山形勝稱壯撫州府志

元子哲舊志及崇仁縣志作子哲均誤河南羅山人廣德中舊志作大曆五年誤

令崇仁治行循良為諸邑最大歷五年尚書考功符下

崇仁為立遺愛碑刺史顏真卿撰文輿地碑目崇仁縣志

戴叔倫字幼公潤州金壇人德宗時試守撫州刺史民

歲爭灌溉為作均水法俗便利之耕餉歲廣獄無繫囚

俄即真期年詔書褒美遷容管經略使唐書

劉世昌開寶五年知金谿縣事時甫升場為縣世昌建

縣治均賦役規制井井兆民賴之嘉靖縣志謹案開寶五年南唐尚存舊

志開宋代誤今改正

宋

和嶢字顯仁開封人太平興國進士雍熙初知崇仁縣
事先是嶢父凝嘗取古今史傳聽訟斷獄辨雪冤枉等
事著爲疑獄集嶢因增益事類分爲三卷表上之擢太

子中允

宋史

張方河北大名人咸平中知撫州重建孔子廟堂刻石

紀事

撫州府志

王彬光州固始人年十八以賓貢入太學淳化三年進
士及第以祕書省著作佐郎通判筠州歷知撫州州民
李甲饒英恃財武斷鄉曲縣莫能制彬按治之得其家
所藏兵械及服器龍鳳飾甲坐大逆棄市并案英強取
人孥罪配嶺南州里蕭然

宋史

戚舜臣字世佐楚邱人學士綸之子皇祐三年擢知撫

州惠困窮植良善郡淫祠若大帝祠者百餘所悉罷除

之

明一統志

錢暄字載陽杭州臨安人嘉祐中累官駕部郎中知撫

州爲政平允五世孫象祖於淳熙十三年繼知撫州修

郡學製祭器出帑金以振貧民郡人祠祀焉

宋史嘉靖林志

謝卿材嘉祐四年知臨川縣事築湖修陂民賴其利王

安石薦之於朝

宋史河渠志

蘇緘字宜甫泉州晉江人進士嘉祐初知崇仁縣事民

喜爭田至數十年不決緘斷以法未半載庭無留訟後

知邕州死節贈節度使諡曰忠勇

撫州府志

謝訥字誠甫建甯人熙甯中爲臨川令里有閭閻者好

持吏短長三以事至庭治之不少貸人以令怒通誣其

子爲盜復辨出之人服其公

嘉靖
林志

孫實字若虛崇甯中知崇仁縣事爲政公廉去官日舟次鄱陽湖風濤大作有螭仰首當舟前實祝曰汝雖物諒有知使吾所載秋毫出俸外盡室沈沒無憾言已螭去浪遂平

嘉靖
林志

陳逢字彥默福建浦城人任撫州司戶參軍部使者交薦其才改秩而卒楊時銘其墓云孝尊乎親學傳乎人政得乎民嗟乎君未聞而終於幕賓百世而下有煥斯

文

嘉靖
林志

劉子翼紹興中爲撫州守餉兵不匱又勸民振糶流離

以勞轉一官

據一統志補
謹案統志作劉汝翼謝志撫州府志均作劉子翼

葉謙亨字伯益處州青田人蚤有文名紹興三年以左

朝散郎知崇仁縣事崇儒恤士既去民祠之學宮之側

撫州府志

鄧庾字端友延平人紹興三年以右朝奉郎知宜黃縣

事鋤治強梗發紓隱拙期月而政成有弓手帖朋為姦

庾斬首惡宥脅從由是無敢譁言於道者撫州府志

王昀紹興六年知臨川縣事時虔化寇侵邑境昀率民

兵敗之清宿蠹斥賊胥境內肅然李綱帥洪州薦其能

於朝明一統志撫州府志

張詠紹興中為崇仁丞剛果有為時邑西南鄉地遠多

盜詠申漕司置樂安縣盜賊遂息百姓以安撫州府志

張孝祥字安國歷陽烏江人紹興二十四年廷試第一

知撫州年未三十莅事精礪老於州縣者所不及有點

卒欲爲變孝祥多方靖之事聞詔嘉獎

宋史嘉靖林志

孫懋字季敏爲崇仁令政有條理常迎巴山樂侯禱雨而應謂侯名不可以名山乃更名相山以侯曾爲沛相也

崇仁縣志

林大中字和叔婺州永康人登紹興三十年進士第淳熙二年知金谿縣事郡督稅急大中請寬其期不聽納誥敕投劾而歸已而主太常寺簿紹熙中知贛州累官端明殿學士簽書樞密院事兼太子賓客卒諡正惠

宋史

撫州府志

趙善譽字靜之太宗之後也幼敏慧力學乾道五年試禮部第一淳熙三年自兩浙運幹改知臨川縣事縣嘗豫借民賦善譽閱籍發逋負按籍征催卒以時辦集豫

借之弊遂革

宋史舊志

汪義榮字煥之徽州黟縣人義和弟乾道五年進士知

崇仁縣事有豪猾武斷持縣短長令不敢出氣義榮籍

其姓名姦猾望風知警遇旱究心荒政丁內外艱服除

累官至大理寺丞

據新安文獻志補

黃幹字直卿福州閩縣人嘉定元年知臨川縣事每五

鼓視事至午退居則與弟子何基等講學至夜乃罷初

至官逋訟山積未數月皆廓清之改知新淦百姓如失

父母幹所至皆以惠聞在臨川則勸糴捕蝗力行救荒

之策其任新淦奏免舊欠綱米數萬石民尤德之云

宋史

明一統志

章勸寶慶二年知金谿縣事正經界定版籍勞心盡瘁

至紹定二年竣事宿弊一清課有定式

嘉靖林志

黃炳紹定三年以萬安令知撫州事築城濬池枴置馬

步二旗軍及湖坪招攜二寨時深以爲善

嘉靖林志

陳詠之紹定五年知金谿縣事歲歉勸分減價者獎閉

糴者罰豐年則立平糴倉以備邑民賴焉

明一統志

徐君洪清祐二年爲金谿主簿邑有富人據山澤之利

數十年官莫能禁君洪至始奪之而公其利於民

金谿縣志

趙時煥字元晦魏王廷美九世孫居閩之晉江嘉定十

二年進士清祐八年知撫州時馬步二旗軍甚悍時煥

準省劄制之迄去無敢譁者寶祐二年復以朝奉大夫

提舉常平臨川山稅之病民者爲奏減其半民困以蘇

撫州府志

徐霖字景說衢州西安人淳祐四年試禮部第一登第
理宗喜得人十二年出知撫州祠先賢寬租賦振饑窮
誅悍將建營砦幾一月政舉化行以言去士民遮道不
得行及暝始由徑以出

宋史

王中立淳祐間知金谿縣事經理田賦履畝核稅以均
貧富遷建二陸祠於槐堂書院之前增學田獎士類士

論稱之

金谿縣志

程士龍字應辰慶元府慈谿人嘉定四年進士知臨江
軍事改知撫州城中有夜半殺人者逮繫至六七囚獄
成土龍疑之俾臨川宰密察得其應辟者捕之一訊而
服民作平冤歌頌其神明

據浙江通志補

趙希汾宗室子初知臨川縣事以折獄善撫字聞開慶

元年復以朝奉郎知撫州平糶價誅惡民郡中肅然稱

治

嘉靖林志
撫州府志

家坤翁字頤山四川眉山人景定三年以戶部郎中知

撫州約已釐奸清積年和糴之弊重纂圖經以資考鏡

文章政事皆善

撫州府志
增廢學租創

謹案坤翁尚有修大成殿
壽安崇德諸橋事見嘉靖

林志及撫州府志
安志誤作宗坤翁

繆元德平陽人登淳祐四年進士咸淳五年知撫州事

儉以足用寬以愛民嘗建和糴倉糶米以活饑民遺骸

之未掩者捐俸掩之明年改知吉州

明一統志

黃震字東發慶元府慈溪人寶祐四年登進士第撫州

饑起震知其州單車疾馳中道約富人耆老集城中毋

過某日至則大書閉糶者籍強糶者斬揭於市坐驛舍

署文書不入州治不抑米價價日損親煮粥食餓者請
於朝給爵賞旌勞者而後入視州事轉運司下州糴米
七萬石震曰民生蹶矣豈宜重困以沒官田三莊所入
應之補刻六經儀禮復修朱子祠樹晏殊里門曰舊學
坊制祭社稷器復風雷祀勸民種麥禁競渡船焚千三
百餘艘用其丁鐵剗軍營五百間皆善政也詔增秩遂
升提舉常平倉司舊有結關拒捕事繫郡獄二十有八
年存者十無三四事關尚書省謂結關爲作亂無敢決
其獄者震謂結關猶他郡結甲非作亂比況已經數赦
於是皆釋之新城與光澤地犬牙相入民夾溪而處歲
常忿鬪爭漁會知縣事蹇雄爲政擾民民遂結聚焚掠
震劾罷雄諭其民散去初常平有慈幼局爲貧而棄子

者設久而名存實亡震謂收哺於既棄之後不若於未棄保全之乃損益舊法凡當免而貧者官爲贍之其棄者許人收養官出粟給所收家成活者甚眾震論役法先令縣覈民產不使上戶抑下戶大興水利廢陂堰及爲豪右所占者皆復之改提點刑獄決獄清訟赫然如神明有貴家害民震按之又彊發富人粟與民貴家與富人胥怨卒爲言者論劾罷官

宋史

黃中字西鄉井研人開慶元年進士授德安尉攝主簿兼提點江西刑獄司簽廳獄事多所辨明丞相江萬里提刑黃震交薦之調樂安丞爲政廉謹有治聲以恩升從事郎元兵拔撫州索降狀樂安令率其僚聯署以上申獨抗不往令及吏民數百人彊與致之申顛踣於地

若中風然眾粹蹴詬叱曰爲爾不順將累我輩申陽死
 爲不聞令無如之何申有忠愛在民至暮眾昇入真中
 堂翼日或食以粥得免遂去隱巴山中以終宋史忠義謹案
 黃中舊列統轄今移置於此當德祐之際東南州郡望
 風降元申以微官獨義不再屈千載之下毅氣如生舊
 志不書抗節一事殊乖揚
 闡之義今據史傳補之

元

李有字仲方平陽人延祐中爲金谿尹有廉能聲嘗書
 廉勤公慎恕五字於座右以自勵吳澄爲文記其事嘉靖
 林志

何槐孫天厯元年爲宜黃縣尹吏事精敏處斷出人意
 表吏不敢欺明一統志謝志原案林志槐孫字德字
 周蒲
 圻人

秦起宗字元卿其先上黨人後徙廣平深永縣仁宗時
遷南臺御史文宗至順閒爲撫州路總管主官有司供
帳甚盛問費所從出小吏不敢隱曰借辦於民遂亟使
歸之几席僅給而已自是官府僚佐有宴集成禮卽止
因諭眾曰我素農家安儉約務安靜庶使吾民化之宜
黃樂安常租外帶耕沒官田田薄賦重倍於正數起宗
請於行省以時估折價民始不病居一歲以老去卒諡

昭肅

元史本傳
一統志

馮驥字致遠遼西人至正中由戶部侍郎任撫州路總
管值歲饑煮粥以給餓者復請於朝得鈔五十萬錠振
之不足則貸諸富室民賴以蘇

撫州府志

明

李庭桂河南洛陽人太祖丙午年任撫州知府兵革之餘勤力撫字重修府治民不知勞召拜工部尚書

明一統志

府志撫州

李繳潁州人洪武初任撫州知府守廉燭理雖庶務繁

劇決之如流召拜江西參政遷工部尚書

明一統志撫州府志

游欽祖字君卿山東曹州人洪武元年以賢良舉知崇

仁縣嚴敏峭直吏不敢欺時版籍未明有一戶應數十

戶差役者乃設青黃二冊歸併之田糧既明民無重困

豫章書

吳思名淮西人洪武初知臨川縣事時百姓流移田野未闢思名招撫安集均平稅役期年復業者數千餘家民間子弟八歲皆令入學不教者責其父母教養兼舉

甚有政聲

撫州府志

馬文璧浙江紹興人洪武五年知撫州府事學博才敏爲政知大體辨決無滯慈祥豈弟民深德之尤長於文辭時稱文章太守

明一統志

許傑浙江紹興人洪武十年知撫州府事廉正明敏設施布置皆有法度發摘姦伏如神民畏而德之

撫州府志

潘至善福建浦城人洪武中知撫州府事疾惡愛民禮賢好士會當入覲樂安秋糧未足惻然曰吾甯負後期之責不忍民受逋租之罰於是民爭出布帛銀鈔易粟以輸未一月數年之逋盡足

嘉靖林志

時季照浙江慈谿人洪武中以訓導擢御史尋知崇仁縣事嚴而不殘善摘發隱伏吏畏戢不得一吐氣在任

十年清白之操如一升四川按察僉事

豫章書撫州府志

門時中當塗人以賢良舉知崇仁縣兵革之餘閭閻凋

瘵時中招徠撫綏民漸甦息又造黃州橋興學校立綱

陳紀邑治更新

崇仁縣志

錢魯南廣德州人洪武三十三年知樂安縣事時兵戈

雖息邑之巨族驕悍如故魯南律已無私躬勤儉敦禮

義以倡之民懷其德彬彬向化

安志謹案魯南知樂安縣舊志誤作東鄉今

據樂安縣

志改正

劉平山西翼城人洪武閒以人才舉授宜黃知縣負擔

至任廉介寡合政聲日起及秩滿歸邑人爭送之平曰

昔負擔來今負擔去宜也何以送為永樂三年賜敕以

原官起用不就

山西通志

盧廷俊字彥俊浙江淳安人永樂舉人授都昌知縣改
臨川時有饒姓女字唐未歸私於人一日壻至女家殺
之而匿其尸廷俊欲雪之翌日廷有鳥鳴甚哀祝曰得
非死者訴冤乎果爾宜前導鳥卽飛而前使人尾至深
谷中得尸女家服罪人咸頌其神

舊志

方琛字廷獻浙江歸安人以舉人入仕五遷而知崇仁
所至以清白稱爲人外寬內明臨事不苟治民有方立
區分以便科徵又奏免糧稅折色闔邑欣戴

崇仁縣志

謝志原

案豫章書方琛永樂中任崇仁縣簡民爲九等量貧富
以科邑無枿者惟以折色貿易準辦賦稅率多逋負
奏請從民便賦
之民嘉賴焉

王昇字曰初福建龍溪人永樂二年進士宣德五年擢
廷臣二十五人爲郡守奉敕以行昇以大理寺正出知

撫州府以政績著在郡滿九載部民乞留增秩還任

明史

循吏李驥

傳白志

潘原清湖廣巴陵人宣德七年由吏員任崇仁縣丞寬猛適宜修新梓二陂以通水利九載考成邑人士詣大吏乞留就升本縣知縣

安志

孫寶浙江餘姚人正統六年舉賢良方正知金谿縣事奏減水潦荒田秋糧興利除弊惠多及民又繕完忠臣孝女廟凡淫祠悉罷禁之

嘉靖林志

宋彬河南開封人正統閒任崇仁知縣邑糧舊無起運布政司驟派之民不堪命彬具疏請改納折色命下之

日歡聲如雷

安志

謝斌南直隸宣城人正統末任撫州府同知畿安盜起

斌多方擒獲罪其首惡貸其從招復流移各安井里民

甚德焉

撫州府志

趙亮字文輝毫縣人景泰間以慶雲縣典史入覲賜襲衣寶鈔宴禮部升崇仁知縣修廢舉墜境內以治都御史韓雍列剡薦之

豫章書

王宇字仲宏河南祥符人童丕時日記萬言登正統四

年進士授南京戶部主事秩滿當轉郎中以才特用爲

撫州知府爲政簡靜而鋤強遏姦凜不可犯一府大治

天順元年所司上其治行詔賜誥命頃之握山東右布

政使累官大理卿

明史

舊志

原案豫章書宇在郡治

宇以魚利易粟實倉儲政數萬斛宜黃有虎害作文告

神虎皆道金谿盜聚眾暴掠發藥振之眾皆感泣請命

藩臬書積曰刺繁治劇才識有餘清白操持纖毫無沾見利若將浼己尤耽經籍手不釋卷云

林元美本名瑋以字行福建閩縣人永樂十九年進士
 天順元年任撫州知府忠謹純愨廉靜以鎮俗徵士吳
 與弼嘗往拜其門書金井水玉壺冰六字泥清節焉嘉靖
 林志謝志原案福建通志元美之子瀚正德間南兵
 部尚書忤逆瑾去官孫庭梯嘉靖開為江西參政創修
 通志後歷工部尚書
 三世皆清德人望云

潘亮南直隸宜興人天順間任樂安縣丞剛直廉明吏
 民畏服在任八年及歸行李蕭條饔飧不繼士民感之
 為醵金以助樂安縣志

李祥字廷瑞南直隸華亭人貢士天順四年知崇仁縣
 事常俸外一毫無取於民修造不擾振濟有方副使夏
 寅為撰碑紀德據一統志撫州府志補

張睿字思微山東濟甯人成化間通判撫州妻不曳帛

子不挾纊在官九年廉慎之操如一日卒於任囊無棺

衾之資

豫章

王昶南直隸靈璧人成化二年進士知樂安縣事嘗欲毀淫祠適有火患民懼不敢行昶乃自往取其像碎之火患遂息昶爲人精明果決在官五年風蠱巨奸皆潛蹤屏迹以循良內擢御史終太僕少卿

江南通志
樂安縣志

瞿俊南直隸常熟人成化五年進士知崇仁縣事性剛明嚴於嫉惡豪右虛詭錢糧者每發其弊籍其產於官邑有上方觀最富侈靡俊請以田授鄉民歲收租以備振濟更創便民倉積穀至十餘萬民深賴焉

嘉靖
林志

陸廣浙江嘉興人天順八年進士成化間知撫州府事剛介自持政廉令肅不興造不擾民事有當爲雖利害

有不卹事有戾志雖監司不能移

一統志撫州府志

張西銘字希載雲南甯州人成化中知金谿縣事縣多豪猾下車致其尤者庭誨之人皆感化會撫州饑諸屬多盜獨金谿人相戒勿爲竊有虎啖人蝗食稼爲文禱於神忠遂息內擢御史

雲南通志

周瑛字梁石一字翠渠福建莆田人成化五年進士知撫州府事以文事飾吏治尤勵風節安靜不擾歷四川右布政母喪歸服除引年致仕孝宗嘉之詔進一階年八十七卒瑛與陳獻章講學以居敬爲主異於獻章之

主靜云

明史一統志白志

陳輝浙江上虞人成化十六年任撫州同知爲政明達勤敏臨川孔家橋崇仁黃洲橋圯皆節羨修之不勞民

力

嘉靖
林志

包裕廣西桂林人成化十四年進士任撫州府推官仁

恕公廉郡無冤獄時稱爲小包公

明一
統志

曹嵩字元潔南直隸吳縣人成化二十年進士任撫州府推官每訊鞫不厲詞色必使兩造得輸其情誣訐之

風頓息良善以安

嘉靖
林志
撫州府志

方誌字信之浙江鄞縣人成化二十三年進士宏治初知金谿縣爲政嚴明果斷洞達事體剗削積弊發奸摘伏如神鋤強梗殄寇盜歲旱蝗禱於神輒應民爲之謠

曰除奸雄得方公民不死賴方氏

據鄞縣
志補

陳世良浙江臨海人成化二十三年進士宏治間知宜黃縣事爲政明敏得寬猛之宜蠹役奸民皆廉知其名

揭諸屏間其人匿不敢見

安志

葉天爵南直隸婺源人宏治九年進士任崇仁知縣剛明勤慎嘗樹屋縣前令鄉民當役者以次占居有事則集事已歸其餘橋倉祠院之作皆擇其利於民者爲之

嘉靖林志
崇仁縣志

陳文試福建長樂人宏治九年進士知臨川縣事剛明嫉惡剖決如流豪俠武斷或居停盜賊者得卽寘諸重典請託不能移威惠並流盜賊屏息

安志

呂貴字良之浙江臨海人宏治十二年進士十三年知宜黃縣事爲政務持大體開釋小過會崇仁令分撥淮

兌力言於巡撫林俊得遵輕資舊例民咸德之

撫州府志

方進南直隸婺源人宏治末任崇仁知縣寬嚴得體吏

戢民懷尤精於藻鑑正德丁卯當大比豫製扁額三曰

今科領薦必劉最劉騫與周禧也榜發果如其言撫州府志

劉介字師惠陝西清澗人宏治六年進士歷吏部諸曹

郎出爲撫州知府撫多商販引價府吏以舊留三分之

一告介叱勿留人服其廉會劉瑾黨太監李某大索江

西諸郡介獨不應深銜之然終無以中傷後官太常寺

少卿調南京致仕歸陝西通志

龍誥湖廣攸縣人正德三年進士知臨川縣事縣界東

鄉多積盜誥諭降之升戶部主事進郎中督賦江西疏

免逋負後守廬州以病歸湖廣通志

穆世傑陝西涇陽人正德六年進士七年知樂安縣事

汀贛流寇攻縣世傑奉檄擒首惡斬之已而以興學育

才爲務纂縣志新文廟講堂廢墜罔不舉焉

張文僖集
樂安縣志

陶諤浙江會稽人舉人正德十二年知樂安縣事洞悉
土俗折獄無滯機時峒賊陳希聰等陰附粵寇諤計擒
之宸濠之叛復從巡撫王守仁進勦有功未及賞爲忌
者論罷

撫州府志

黃堂字居正南直隸高郵人正德中由監生授新建縣
丞以能薦知東鄉縣時縣治甫闢百度維新堂夙興夜
寐經營區畫罔敢後宸濠構亂遣內豎結東鄉餘孽堂
以計誘致其渠戮之地方克靖用巡按薦進秩甯州知
州仍治東鄉在官凡九年

安志

祝釐字東田浙江海甯人舉人知崇仁縣事爲人廉潔

御下威惠相濟能得人死力時甯王宸濠有異志僭逆知之乃治兵器完府庫若爲他盜備者及宸濠反鼂徇於眾曰宸濠蓄逆心久矣然才疏而躁其下多羣盜無紀律不足畏也立起襄戎事卒摧宸濠事定以功當選遽拂衣歸

舊志

陳槐字公輔一字半湖浙江鄞縣人宏治十八年進士正德十三年知撫州府事未數月頌聲作以病乞休明年六月宸濠反報至人情訕訕槐已在告五十日家人趣槐行槐不可卽出縛宸濠使斬之而焚其僞檄自率兵與王守仁犄角逆擊宸濠湖上大破之乘間攻九江擒瑞昌王拱楨等七人斬首三百餘級迫勒至湖口撫男婦萬餘復業酌被害輕重者振恤之人感更生遷按

察副使改湖廣以讒劾罷官嘉靖初論平宸濠功僅得

賜金綺而已

據司上者舊傳王陽明集補

李鳳南直隸崑山人正德閒爲金谿典史十四年宸濠

反東鄉遺孽復起流劫鳳莅任甫月餘奮身倡義率民

兵出禦或沮之曰賊鋒甚銳出無全理鳳曰吾職在捕

賊敢坐視乎遂赴敵死之

金谿縣志

彭案字仲和湖廣茶陵人嘉靖中爲撫州司理精習吏

事聽斷大獄恆多所平反會郡築金隄議斂富民錢以

供用案力爭不可召入爲廷評官至運使

撫州府志

周相字大卿一字梅崖浙江鄞縣人嘉靖二年進士授

臨川令廉明有威徭賦自書片紙揭之壁百姓應期而

集一時浮費剗削殆盡徵監察御史言事貶官再遷東

鄉令民習聞臨川之政不令而行盜賊匿處民間靡得
悉誅之姦豪股栗犬不夜吠歷遷參政攝南贛道事計
擒安遠奸民杜伯等誅之累官至都御史巡撫江西致

仕歸

舊志撫州府志卷八

顧中孚南直隸華亭人嘉靖五年進士任崇仁知縣治
尚嚴明山谷之民無逋負者俗好鬪至募雄長爲帥以
逞中孚盡逐之境外民乃安按籍索田而詭寄爲奸者

亦息

撫州府志

胡蘆湖廣沅陵人嘉靖進士任樂安知縣治行卓異每
單騎巡行阡陌問民疾苦嘗言學校人才所出當加
意培養不可忽也因師木鐸遺意立社學以教調吉水
令士民號泣攀留

樂安縣志

程秀民浙江西安人嘉靖十一年進士授金谿令溫厚有醞藉所作條教吏民咸便之邑鄰樂安東鄉號多盜一日得盜牛者覆以牛革暴日中邑人觀者皆震慄父老言治金谿者莫之能及云

安志

項喬字遷之浙江永嘉人嘉靖八年進士十五年知撫州府事初至下令曰天下患無好官員不思無好百姓凡有利當興有害當除一一相告吾爲爾罷行之又調六邑生徒親加校閱品其文行以相助勵遷寶應廢寺爲學去任後民常見思

撫州府志

曾汝檀福建漳平人嘉靖十一年進士知撫州府事清潔自守善談名理表章吳澄遺書行鄉約法歲時集郡邑弟子於擬峴臺講論鄒魯之業化行俗美調安慶守

去安志

黃日敬福建莆田人嘉靖進士任崇仁知縣峻整自樹尤甘淡泊黃洲橋圯俸祿所餘盡以修之坊里公費屏

除殆盡丁內艱歸至鬻婢以爲行資

崇仁縣志

蔡元偉福建晉江人嘉靖中爲撫州府同知署樂安縣事流賊數千焚掠鄰邑樂安故無城元偉卽簡丁壯據險設守賊聞不敢犯時獄舍久傾會大暑疫作元偉欲新其獄乃縱囚還家獄成囚俱自至後署崇仁縣事亦無城賊突至元偉勒兵出戰斬賊數十賊懼引去

補

據一統志

楊淮字宋莊廣西桂林人舉人嘉靖間任宜黃知縣值建城版築雷動民不知勞又開泮池以制北方諸煞士

民思之

撫州府志

徐鼎福建漳浦人嘉靖二十九年進士授臨川令機穎卓拔摘發多奇中邑有有稅而無田者民多流徙鼎惻然傷之爲核減糧數公私耗費亦俱議減焉奏最擢給

事中

安志

俞世美字蘇溪浙江宣平人嘉靖閒由選貢任宜黃知縣博學能詩飭學宮敦教化興革利弊養貧恤孤有古循吏之風

撫州府志
宜黃縣志

田膏四川彭縣人嘉靖閒任樂安主簿遇事敢爲聞寇警豫捐俸募死士以待之及寇偪策馬先驅力爲捍禦民得全

安志

劉玠浙江海鹽人嘉靖二十九年進士知金谿五年寡

言笑馭下嚴整左右無敢玩法者編審丁徭杜絕請託

賦役稱平於文學道德之士尤加禮焉後再以南工部

郎出守撫州治行如一歷官江西右布政

安志 金谿縣志

蔡結字國凝湖廣漢陽人嘉靖三十二年進士授東鄉

知縣嚴明果斷案無留牘縣賦多逋實爲胥吏乾沒結

廉知之首置奸胥於法輪納者罔敢後時地當衝道嘗

苦供億結請於撫按派鄰封協濟民力始寬

撫州府志 東鄉縣志

志

李珙浙江永康人嘉靖中爲東鄉教諭嘗受業王守仁

講明良知之學巡撫提學聘主崇正講會列郡人士咸

師事之所著有質疑錄東溪語錄

撫州府志

林潤字若雨福建莆田人嘉靖三十五年進士授臨川

知縣三十六年以事之建昌南豐縣聞廣寇猝至民皆
逃竄邑士留潤共守乃畫策捍禦凡七晝夜殺賊首二
人賊知不可破遁去

明史
建昌府志

游日章字學綱福建莆田人嘉靖三十八年進士知臨
川縣事巨猾帥姓者武斷於鄉下車卽捕治之流氓至
備禦有方民來奔者皆令入城共守未幾賊遁去擢刑

部主事晉郎中

福建
通志

蔣夢龍南直隸長洲人嘉靖四十四年進士授臨川令
時邑被寇掠夢龍加意撫循條陳均役之法巡撫是其
議令各屬俱遵行焉邑多逋賦利爲豪猾所占夢龍裁
以法令民自輸至今稱便

諫章
書

解宋南直隸泰興人嘉靖進士隆慶二年以給事中謫

撫州府推官故事推官獻決外鮮與民事宋獨周諮疾苦知無不爲服與諸生談說經義啟牖後學累官至布政使

安志

張汝濟湖廣江陵人隆慶二年進士知臨川縣事廉明而深細愛民禮士常若不及邑有盜盡窮其根株黨與而鋤去之境内肅然遷吏部郎中累官至巡撫

撫州府志

張慕渠字少璧南直隸長洲人舉人隆慶三年任宜黃知縣爲人口吃有文治尚清約境内歌舞揆掄盛麗之習皆一切禁止發奸摘伏凜如神明豪猾干法者初若不甚察久之悉捕置之法其不怒而威如此升饒州通

判

撫州府志
宜黃縣志

葉逢春浙江餘姚人舉人隆慶三年任撫州府督糧通

判居官廉靜不爲矯激之行嘗署樂安縣事修復鰲溪

書院清豪民隱占學田三百餘畝其爲士者稱之撫州府志

唐本堯南直隸上海籍華亭人隆慶五年進士任金谿

知縣廉明練達承前令廢弛之後一意振興時甫頒條

鞭法他邑多觀望疑阻本堯獨先行之暇進諸生講藝

文體丕變科目之盛自此始撫州府志

廖希元字夢衡湖廣藍山人隆慶五年進士萬曆二年

由祁門令改知宜黃下車卽惓惓開死囚失入之罪至

臨大憝宿蠹則持三尺法不少假借朔望臨學與諸生

切劘文藝以師道自居日昃乃罷邑有虎患禱於城隍

神虎卽日遁南曹命下檢視行李蓋不滿六七金云撫州府志

府志 宜黃縣志 謹案謝志及府志均設作正德進士據國子監題名碑改正

李登字士龍應天上元人隆慶五年進士萬曆四年爲
崇仁教諭立課文講學二會手自品題迎機施教未一
年士風丕變縣有蠹胥肆侮貧士走愬令令反庇胥登
以聞於直指執蠹胥懲之自是士氣稍振著有顏學編
及寶塘語略

撫州府志

古之賢字士希四川梁山人嘉靖四十四年進士萬曆
五年以戶部郎出知撫州府下車卽募工築千金隄支
用有節隄成民大利之之賢年少精吏治臥閣而理上
計時治行冠江右

安志撫州府志

諸大倫字白川浙江餘姚人隆慶五年進士萬曆八年
由兵科給事中謫知東鄉縣廉能仁愛剔奸弊抑豪猾
修廢舉墜美善畢臻時民苦虛糧之累大倫力請丈量

畝無過則隱占悉清遂貽東鄉數百年之利

東鄉縣志

王永甯浙江烏程人萬曆八年進士授臨川知縣行履
欽法墾田定賦吏無所容奸修城興學善政畢舉擢南

京兵部郎中

撫州府志

周嘉賓四川內江人萬曆十一年進士知金谿縣事裨
身嚴而用法寬境內晏然歲早步禱用春秋繁露求雨

法雨立應召入爲工部郎中

撫州府志

盛世翼南直隸桐城人萬曆十四年進士任樂安知縣
修學均徭政清如水戊子歲大饑世翼首捐俸以振巨
室閉廩規利親至各鄉勸分得助千石者六家數百石
者無算民賴以生

樂安縣志

劉允昌字燕及南直隸桐城人萬曆三十二年進士初

知宜黃縣最調臨川明敏剛決果於任事犯者雖貴勢子弟必寘於法勤課士凡所甲乙尤稱藻鑑著有劉氏

類山

撫州府志

洪應科浙江定海人舉人萬厯閒任宜黃知縣廉明仁恕約己愛民精九九之術錢穀出入自錙銖至鉅萬猾吏無敢欺者尤好士時與諸生譚經課藝一時皆蒸蒸向學焉在任五年升成都府通判

宜黃縣志

蔣良鼎南直隸武進人萬厯十七年進士知樂安縣事爲人慈和豈弟父老得不時晉謁陳說疾苦時有丈量之役躬履畝行烈日中未嘗張蓋越五月而卒百姓哀

思立廟以祀

撫州府志

秦丹南直隸高郵人舉人萬厯閒任撫州府督捕通判

矯卓不羣三署府縣事皆以廉聞卒於官一老僕侍及

餘藏篋四金撫州府志

蘇宇庶祖建晉江人萬歷二十年進士知撫州府事興

學課士設策救荒清寺田造橋梁禁革舊稅以最調知

南昌府撫州府志

朱錦浙江餘姚人萬歷二十年進士知金谿縣事時方

多盜錦冒矢石入賊巢擒其渠魁寘之法民賴以安金谿縣志

縣志

陳瑛字伯玉一字巍石福建晉江人萬歷二十三年進

士令崇仁操行廉潔覈錢糧侵詭之弊積逋一清復嚴

保甲法懲訟師革奢俗禁溺女勸設社倉教民讀約善

政罔不舉在任三年課最調錢塘百姓泣留不可得乃

爲位以祀焉

撫州府志
崇仁縣志

陸大受字凝遠南直隸武進人萬曆三十五年進士累遷戶部郎中出知撫州府剛正不阿下吏皆憚之以前

在大理持挺擊一案追論去官

一統志

崔奇觀廣東番禺人萬曆四十一年進士

謝志作天啟進士誤

爲

金谿令邑舊有河船例稅積三年當二百餘金久爲奸胥乾沒奇觀廉得其實清出之復得應沒官田益以俸薪置田二百畝歲收租以供諸生就試之費著爲永制

撫州府志

余鷗翔字誕北湖廣辰溪人天啟五年進士任金谿知縣年少嫺吏事凡大舉措不示聲色而雅協物情先是黷吏侵官鑑無算其黨相朋比不可詰鷗翔至則盡除

之有巨盜潛臨川界流劫許灣迹甚祕鴟翔假他事出水次黎明率壯役直抵盜室獲之於寢時以爲神厯官

至徽甯道殉難

金谿縣志

戴震雷字稗默福建仙游人天啟七年鄉試第一由歸化教諭升知崇仁縣事歲饑立粥場三十六所活人以萬計鄰邑民激亂當會勦震雷曰此饑民求食耳單騎往諭之事遂定丁父艱歸遂不出兄震亨崇禎庚午舉

人知鉛山縣亦有政聲

福建通志 謹案震雷舊列饒州府今改隸於此

張采字受先南直隸太倉人崇禎元年進士知臨川縣事摧強扶弱聲大起與陳際泰艾南英諸人振興古學士爭願出其門自奉甚薄斷獄片言立決未幾移疾歸士民泣送載道

明史文苑張溥撫州府志

郭齊雲湖廣武陵人舉人崇禎間知樂安縣事興革利
害英斷敢決會有寇竊發齊雲力勸減之勸修城垣出
俸金以倡經理周密不數月功成在官七年清操峻節
民歌頌之無數

安志

徐佩莖四川仁壽人崇禎四年進士知崇仁縣事在任
八年興學造士潔己愛民值歲屢歉振活者以萬計行
取南都主事尋升撫州知府

據四川通志補

胥自修應天江甯人崇禎時知宜黃縣事忠信廉明執
法無所屈已有巨憝挾要津肆害閭里搢紳士人皆莫
敢與忤自修廉實置之法一時豪猾皆斂迹

安志

鮑之祥字若孩湖廣麻城人崇禎四年進士知臨川縣
事時軍興加派甚急之祥不忍鞭扑涕泣勸諭民感之

例當編審召里長集庭下面均徭役吏無敢為奸者平居自奉如寒士妻在署自織以衣居二年以疾乞歸

府志

尹文煒字去文浙江金華人崇禎十年進士任金谿知縣簡默廉恕勤恤民隱行法不阿權貴縣俗好訟不勝輒輕生以圖報復文煒嚴禁之命案非情實者即具轎以瘞澆風遂息未幾以狷潔寡合請告歸

金谿縣志

黃克嘉南直隸合肥人官江西湖東守備駐撫州甲申七月福建賊流入境官兵合剿克嘉斬獲獨多馬蹶被害將死捋其鬚語賊曰毋令血汚吾鬚賊亦壯之

忠烈記

國朝

王世璽字春如江南鹽城人順治四年進士六年任宜

黃知縣初下車山寇擾邑世璽悉力城守單騎入寇壘
諭以大義眾皆懾服而退於是招流亡勤撫字絕錢糧
之侵欺嚴差役之舞弊政無不舉去後邑人思之若甘
棠之思召公焉

宜黃縣志

汪基遠字星伯湖北黃岡人順治六年進士七年知東
鄉縣事金聲桓叛後所在嘯聚基遠至官甫兩月土寇
吳君寵攻城督兵出戰死之後令曹可大狀其事贈按
察司僉事蔭一子

安志

石大品字畧叟河南太康人貢生順治十年知金谿縣
事懲姦剔蠹豪強絕迹禱雨輒應民建誰力亭於城北
以紀其事

金谿縣志

謝應璜字皇黼湖北蒲圻人舉人順治十二年知崇仁

縣事至官甫一歲力疏六年逋負劇盜爲害積年單騎

入其壘諭之咸稽首受撫調雲南河西卒於官

湖廣通志

孫世蓋字丹臺山西興縣人貢生工文而勇精騎射順

治十七年知崇仁縣事大盜羅漢七聚眾萬餘前令將

勦之謀泄遇害世蓋至念縣中人皆通盜無可共事者

獨與其僕密謀而陰厚千總孟某暨驚捷吏乃佯怯請

降誘羅至某鎮面計事及期羅率眾二千駐鎮外偕其

黨吳某暨校三十入鎮世蓋設廣筵宴校廳外迎羅吳

於廳命千總解刀勸飲飲極歡復移尊於園世蓋揮僕

曰吾與將軍有密言爾曹不得聞攜漢七入園遽猝之

仆地吳驚拔刀千總亦自後猝仆之既縛二賊乃召蓋

捷吏授以弓弦曰吾出勸三十人酒俟吾擲杯彼必仰

觀汝卽以絃扼其喉如法縛二十五人而故逸其五語之曰汝第往吾兵隨至也明日率鄉勇擣賊巢則二千

人悉遁矣事平撫按議薦以老力請歸

山西通志

汪士奇湖北黃岡人順治四年進士康熙七年任東鄉知縣十三年閩寇倡亂東鄉當閩衝金谿餘干進賢貴溪諸賊又不時侵掠邑危甚士奇團練鄉兵以從子詔統之力障孤城俟大兵至明年八月賊復謀攻縣士奇以鎮兵出屯鄧埠用計破賊逐至馬鞍嶺始還乃和士卒釋俘囚興學造士民大歡旋遷中書去卒祀名宦

撫州府志
東鄉縣志

郭肇基字屏之遼東杏山人舉人康熙十一年知樂安縣事性剛介守正不阿潔己愛民興利除害十四年閩

寇來攻肇基誓以死守城陷被執困以刑百折不屈卒

囚繫入閩而死

撫州府志

胡亦堂字二齋浙江慈谿人舉人康熙十六年由新昌知縣調知臨川當閩寇蹂躪之後民多流移田荒賦缺亦堂按數詳報力請蠲豁給牛種躬勸相多方以招徠之又請緩徵逋賦展限三年以蘇民困新學宮修橋梁及社倉義學增纂邑志彙刊臨川文獻百廢具舉每歲科試諸童子親第甲乙所拔多高才生民翕然頌其澤

馬

撫州府志
浙江通志

魯鏞湖北雲夢人

一作孝
感人

康熙九年進士十八年任東

鄉知縣立廟學建公署修城樓及養濟院又葺建許灣水次倉以便輸納任事真誠於民秋毫無取民甚德之

後升兵馬司指揮

東鄉縣志

祝鍾哲漢軍鑲紅旗人廕生康熙三十一年由杭州府理事同知升撫州知府入境日卽以生民爲念刑罰悉用輕典禁催科加耗漕項羨餘復革崇仁華蓋山香稅至今無敢私徵者三十二年夏大旱齋戒步禱自辰至午往來烈日中十有餘日雨大霑早稻乃穫而鍾哲竟坐是積勞病暈卒於任

八通志撫州府志

王維翰漢軍正黃旗人康熙三十一年知臨川縣事臨川地廣人稠前後宰縣者受牒日以百數維翰性明敏判決悉當不三日而竟一事吏民畏服如神數年後獄訟希簡每升堂投訴者止四五人而已

撫州府志

毛翼坦福建侯官人舉人康熙三十一年任金谿知縣

持己廉介聽斷嚴明在官十餘年愚頑畏服尤加意造

士其後數科多獲雋皆其培植力也

撫州府志

陳國柱湖北漢陽人康熙三十六年任崇仁知縣性和

平無輕喜暴怒民樂就之然亦不可犯聽斷偶誤必重

自悔艾亦直舉以告人在任五年以憂去

撫州府志

張伯琮字鶴涓湖北漢陽人康熙三十七年由福建知

府調撫州剛決明敏神於折獄民吏皆莫敢蔽境內肅

然修學宮立義學作人之化尤著民永頌德焉

撫州府志

李廷友字政旋一字變庵江南婁縣人雍正中由舉人

初試爲德安令旋題授臨川下車卽延訪利弊次第興

革時政尙嚴肅吏亦務峻急以獵聲望廷友中立自持

不吐茹讞獄詳慎必得平反乃已雖上官有所示意

弗爲徇勞心諄諄愛民如子催科有術人亦爭先急公
治臨川十五年邑無重獄後頓溪有劫殺小兒一事臨
川人始見決囚廷友泣謂囚曰我在此十餘年未決一
死罪今汝犯此我之罪也爲廢食者累日尋以疾卒於
官士民莫不泣下楷過豫章巡撫陳宏謀嘉其政遣官
臨奠致其語曰慈惠可思

撫州府志

朱宸江蘇江甯人諸生乾隆十九年任撫州府事虛懷
下士郡有病民之事必詢於郡之賢者而革除之育材
益膏薪弭盜嚴保甲士民感之每公事行鄉父老持壺
漿以進忘其爲太守也

撫州府志

楊式慎四川射洪人拔貢生乾隆二十一年任樂安知
縣躬行節儉布素若寒士每因公詣鄉役從寥寥數人

民無所費勤案牘決獄無滯久之囹圄漸空差役百十
人大半辭去大府重其廉能將調以繁劇士庶乞留勿
果遷卒於官民祠之學宮之側

撫州府志

徐聯奎字璧堂一字訥齋浙江山陰人乾隆三十一年
進士授東鄉知縣聯奎少孤入學後出佐司道府幕已
精吏治巡撫吳紹詩知其名擬調南昌縣聯奎以資淺
辭歲餘終以人品端方才猷練達奏調之三十六年擢
南昌府吳城同知丁母憂歸再起補景德鎮同知調南
昌歷署吉安瑞州建昌南康南安袁州諸府事而署撫
州九江府者再所至精勤案牘其聽訟皆以平心易氣
及人所不經意處得之宋鄉民甲與乙爭山對簿呈契
聯奎曰僞耳焉有雍正年書券而豫避乾隆

御名者臨川民李某寓宜昌時方捕逃兵李某官以其姓同執

之擬斬李某訴原籍實臨川有伯父在移文至江西其

伯父畏累稱無姪聯奎達得其父母墓碑名氏合移覆

得免死樂安民甲與乙鬪甲迎面倒拉乙髮辮乙擠甲

腎死屢伏屢反聯奎鞠之伏如前料必再反驗乙髮脫

其半詰曰脫髮安在乙曰獄中薙髮匠梳取矣詰薙髮

人及禁卒語相符遂不復反其他摘奸發伏盡心無冤

者多類此性尤廉儉居官如寒士官俸外不名一錢去

官之日百姓每奔走哭送後升湖北鄖陽知府以事累

落職歸阮元學經室集璧堂徐君傳謹案聯奎精於

其地擅毀乙屋久不理聯奎詰其據甲以族譜家塾八

景圖說為證聯奎曰圖內有大江環左小江繞右語大

小江亦爾家所有乎且滕王閣詩序有衡陽之浦若藉

謂其竊墓樹毆之民以斧傷邨人手縣令以罪人毆所
捕人折傷擬絞聯奎驗契量地地浮二畝有奇斧柴者
官地也減其罪廬陵民捕獸置窩弓斃行人縣令謂已
如例設望竿及抹眉索免其罪聯奎詢民望竿何物抹
眉索何狀民無以應蓋縣胥教之也論以罪與安生員
之子娶婦嗔丐者強索食毆斃之辭未定生員死於獄
子告縣令枉其父曰丐死在前月某日娶婦在後月某
日聯奎檢舊時憲書後月口不吉前月日吉出書示之
詐乃破南昌民有殺人於家者家止夫婦持無證堅不
承聯奎步至其家搜得男子履四二大二小訊有甥同
居拘其甥鞫之悉得其殺人狀又鞫上猶曾氏婦指河
中鳥屍証仇家殺其夫獄以死者所遺質票辨其非曾
姓亦人所易忽者附注於此備留心獄訟者攷焉

程元林廣西桂林人明通榜進士乾隆三十五年任臨

川知縣勤於聽訟恆至丙夜始休反復推詳必使民無

冤抑而後已在官六年案無留滯民至今思之

撫州府志

周鍾泰字山甫直隸玉田人舉人任東鄉知縣性清介

儉而能廉聽斷明決胥吏無所售其奸值征漕許百姓

鳴鉦言不便事卽坐堂皇究詰之吏惕息奉法漕弊遂

清

撫州府志

秦沆字筠谷江蘇金匱人監生嘉慶十一年由新淦縣丞補臨川知縣布袍疏食澹於自奉性嚴毅人不敢干以私剔漕蠹懲訟師申理冤誣愛民重士尤善知人鑒前後童試經賞拔者皆相繼脫穎以去十九年冬江南大侵壽州飢民由浙江道廣信建昌而至臨川沆慮其擾也豫捐廉儲備人給錢米若干載以船護之出境飢民愉服邇市不驚二十五年擢南昌府同知後遷永平知府致仕歸卒道光六年奉

旨入祀名宦祠

撫州府志

貴祥字麟徵滿洲人道光二十二年署崇仁縣事至卽

汰糧差數百人令歸農偶遣役催科朱書人給口食幾何禁多取治官書至漏盡忘倦旦日剖決無滯宿案爲之一空居恆以維持風化自任遇父母呈其子必立追嚴責反覆開諭冀以發其天良嘗謂興利不如除弊但不可察察爲明矯枉過正耳在官久之署園忽產靈芝數本識者以爲德政所感云

撫州府志

潘維新安徽涇縣人道光三十年任樂安典史有幹才遇事勇往咸豐六年縣爲寇陷維新從前令靳丹書復之時軍事旁午籌軍及繕措之裕如未幾賊大股蜂至維新搜城固守力竭城陷與代理知縣高學易同殉事

閩贈卹如例

撫州府志
檔案

傅培峯字耦邨甘肅鎮番人道光二十七年進士咸豐

四年任宜黃知縣性剛斷清勤自矢吏不敢欺已而粵賊驟至培峯走行營乞師開闢辛苦轉側兵閒者數年城再復再失至八年三月湘楚諸軍畢集賊棄城遁湘軍會民團逐擊大破之於磁圭於是宜黃之勢略定培峯知民之可用也益聯軌里厚拊循親厯城鄉與民如家人婦子有來訴者立剖決無稽留官民之心益固未幾賊自吉安敗竄入境培峯率丁勇禦於孤嶺殺賊無算賊大集奪嶺眾遂不支培峯亟還保城趣召鄉團赴救而賊已斬關入或勸之逃不聽遂大罵賊賊怒支解之而焚其尸事

聞贈知府銜卹廕如例並於宜黃立廟祀焉

撫州府志

韓彤文浙江山陰人監生咸豐八年春署崇仁縣事時

縣甫收復田土荒蕪瘡痍遍野同官皆僥倖不往獨彤
文毅然請行既至整飭庶務日治民團不少休其年八
月賊自吉安棄城遁旁竄崇仁彤文督團軍禦之郭外
眾寡不敵死焉事

聞贈卹如例

撫州府志